

أحمد يونس

7 نادر فوده

اللعوات....



سما

(مقدمة)

لطالما تركت نفسي للأحداث والأشباح كي تقودني كيفما شاءت، ففي العذراء والجحيم؛ وجدت نفسي أقوم بدور المحقق متناسياً تماماً مهنتي الأساسية، وهي الصحفي الباحث عن المتاعب وأبواب الظلام، أفتح أبوابها وأدخل دون إستأذان، لكنني نويت في هذه المرة أن أتحدى الظروف مهما كانت، وأن أعود أدراجي إلى مهنتي الحبيبة، كصحفي يسمع و يسجل و يحلل و يروي، صحفي يعشق المغامرة مهما طاله من مخاطر.

اسمحوا لي أن أردد عليكم الجملة التي تعشقونها مثلي تماماً و ربما أكثر...

أنا الصحفي نادر فودة، الصحفي بجريدة عمق الحدث باب ما وراء الطبيعة، الرجل الذي لا يُغمض له جفن، إلا بعد أن يتحدث مع الجن والعفاريت، الصحفي الذي وجد في الأشباح والشياطين أصدقاء مخلصين، الصحفي الذي يرى أن يوم ميلاده، هو اليوم الذي رُج بي داخل أحد القبور، وواجه الشياطين وهو أجسه ومخاوفه عن هذا المكان الموحش، الصحفي الذي إذا رغبت أن تقدم له هدية قيّمة، فلا تقدم له قلب مُحب على طبق من فضة، بل قدم له رأس مفصول داخل كفن رث، الصحفي الذي لا يسعد بزيارة أقاربه قدر ما يسعد بزيارته لدجال أو ساحر أو أحد الروحانيين.

إذا؛ فأنتم الآن مع موعد إقلاع الرحلة السابعة لنادر فودة مع الأعوان..

قلل إضاءة من حولك، استمع إلى الموسيقى الفخيفة المفضلة في قائمتك، أترك هاتفك، أغلق عليك باب غرفتك، واستمتع بهذه الرحلة التي ينقلها لكم كالعادة على لساني صديقي العزيز و رفيقي الدائم أحمد يونس.

الفصل الأول

(نحاس)

من واقع سنين طويلة وخبرات مُكتسبة بيقدّر الإنسان يكتشف أبعاد أخرى للكون و يصدق و يقتنع تماما إنه أصبح مُلم بكل شيء، واذ فجأة يتعرض لموقف ما أو تجربة ترجعه لنقطة الصفر فيدرك إنه ما تعلمش حاجة.

الشاهد من كلامي إني كل ما أخوض معركة من معارك عالم الظلام أخرج منها وأنا مقتنع تمام الإقتناع إني أصبحت مؤهل تماما لخوض المزيد من المعارك ومع أول موقف بتأكد إني مجرد تلميذ مُجتهد في عالم ما وراء الطبيعة و إني لسه قدامي كتير جدًا علشان أزعم إني لدي ما يكفي من الخبرات الحياتية.

ليه بقولكم كده؟

علشان بعد روايتي إلي فاتت وفي نهايتها لو تفتكروا إتقلبت الموازين تمامًا لما كنت فاكر إني بخبرتي قدرت أحل لغز أميرة وسامر ولكني إكتشفت إن في طرف ثالث قارئ الصورة من البداية وحطلي عنصر يساعدني إني أكمل للنهاية، الطرف ده كان (هالة).

هالة إلي ضيعتها بغبائي (رواية النقش الملعون)، هالة إلي ما سببتش ليها غير كل حزن في مُقابل إنها ما سببتش ليا غير كل خير، ومن يومها لحد النهاردة وأنا عندي أمل إنها تظهر أو حتى تجيلي في المنام، لكن من الواضح إن عقاب هالة ليا بانها تفضل تساعدني من غير حتى ما أشوفها.

كان نفسي أقولكم السيناريو إلي أنتوا مستنينه إنها ظهرت وإننا قعدنا مع بعض وإننا لقينا حل يجمعنا من عالَمين مُختلفين، كان نفسي أقولكم إن الإنسانية الوحيدة إلي قلبي اتحرك بسببها موجودة جنبي وأنا بكتب لكم الكلام ده، لكن حقيقي ليس كل ما يتمناه المرء يُدرکه.

قطع إبحاري في عالمي الخاص صوت تليفون مكتبي وهو بيرن
ياتصال من مديري المباشر.

نادر: أيوة يا فندم

المدير: تعالى يا نادر عاوزك

نادر: تحت أمر حضرتك.

قومت من مكتبي وروحت على مكتب أستاذ عماد على طول إللي
استقبلني بحفاوته المعتادة ودعاني للجلوس ودار بينا الحوار التالي..

عماد: ما شاء الله شايف الملف ده؟

نادر: ملف إيه يا فندم؟

عماد: دي مبيعات الجورنال الأخيرة

نادر: أه تقصد حضرتك من وقت ما أنا جيت

عماد (مقاطعًا): لا أقصد من وقت ما أنا جيت

نادر (متهكمًا): خلاص همسيها من وقت ما أنت جيت، بس أحب أفكر
إن إللي قبلك لما نسب لنفسه كل حاجة اتغضب عليه

عماد (مبتمسًا): يا راجل أنا بهزر، طب بدمتك أنا عمري بخست
حقك؟، ده أنا ما بقولش غير نادر راح نادر جه، ده حتى أكلة السمك
إللي وعدتني بيها طلعت بايظة

نادر: والله حضرتك إللي طلبت أجيبك سمك من آخر الدنيا

عماد: يلا خير، المهم أنت فين؟

عماد: ما تستعبطش يا نادر أنت فاهم سؤالي كويس

نادر: أستاذ عماد عاوزك تعرف حاجة أنا شخص مش بتاع (عبي

وإحشي)

عماد: بمعنى؟

نادر: بمعنى إني مش علشان حضرتك عاوز تبيع أقوم أنا أحشي أي حاجة

عماد: يا بني افهم أنا لسه بقولك مبيعاتنا تضاغت بسببك وإن مجلس الإدارة مبسوطين بشغلك قد إيه

نادر: ولو، أنا بني آدم محسوك ومش هعمل حاجة تقلل من رصيدي، وبعدين تعالى هنا أنا مديك قصص تغطي بتاع 6 أعداد لسه جايين، هي طفاسة وخلص؟!

عماد: القصص إالي من تأليفك يا نادر حاجة والتحقيقات إالي أنت بتخوضها حاجة تانية

نادر: والله على ما أتذكر إن حضرتك إالي طلبت تنشر القصص بتاعتي في الأوقات إالي مفيهاش تحقيقات حتى كمان قولتلي إنها عظيمة ولازم تظهر للنور

عماد: هو أنا معرفش أقول كلمتين لمصلحة الشغل إلا لما ترد علينا بموشح؟

Telegram:@alanbyawardmsr

نادر: لا موشح ولا حاجة أنت سألت وأنا جاوبت

عماد: طب وحوار نخاس؟

نادر: بشتغل عليه

عماد: طب ما تقول كده من الأول

نادر: هو أنت سألت؟

عماد (متنهدًا): أديني سألت ممكن تعرفني عملت إيه في موضوع

نخاس؟

نادر: شغال عليه

عماد (غاضبًا): هو حرام تريحني وتقول بتعمل إيه؟

نادر: هو أنا من إمتي بقول لحد أنا بعمل إيه!

- بعد إذتك أنا راجع مكتبي وماتنساش تطلعي فلوس انتقالاتي والإقامة للكام يوم إالي جاين

عماد (مبتسمًا): أخيرًا قوت الجملة إالي مستني أسمعها يا أخي ده أنا بستناك تطلب الفلوس زي ما أكون أنا إالي هاخدها

Telegram:@alanbyawardmsr

نادر (مبتسمًا): علشان عارف إني طالما طلبت فلوس يبقى في تحقيق جاي، بعد إذتك.

خرجت من مكتب أستاذ عماد وأنا مبسوط لحالة الاستفزاز إالي بسببها له وإلي من المؤكد إني سببتها ليك أنت كمان وأنت بتقرأ، صدقوني أنا مش شخص مُستفز و لا حاجة، الحكاية و ما فيها إني تعبت و شقيت لحد ما وصلت للمكان إالي أنا فيه و للأسف كما جرت العادة إن المديرين ينسبوا لنفسهم نجاح أي حد مُجتهد زيي فكان قراري إني مش هسمح لحد أبدًا يسرق تعبي علشان هو مجرد منصبه أعلى مني في الشغل.

طبغا عاوزين تعرفوا إيه حوار نخاس؟

نخاس ده شغال مُسعف وفي فطار رمضان إالي فات بتاع الجورنال لقيت شخص غريب جاي يسلم عليا وقالني:

نخاس: حضرتك أستاذ نادر صح؟

نادر: أيوه تحت أمرك

عماد (ضاحكًا): والله وبقالك فانز وجاين يتصوروا معاك يا أستاذ

نادر

نحاس: لا أنا مش بتاع تصوير والكلام ده، أنا جاي للراجل ده تحديدًا
لأنني قرئت تحقيقاته في الجورنال وكل مرة بتأكد إنه إنسان مُخلص و
مُجتهد و كل إلي بيقله صدق وما في هوش مبالغة أو كذب.

اعتدل نادر في جلسته وقال: وأنا يشرفني أسمع حضرتك، أو مرني

نحاس: أنا إسمي نحاس عندي ٤٨ سنة و ببساطة كدة أنا شوفت
أهوال كتير و حاجات تشيب و دورت عليك كتير علشان أحكيها لك
لكني معرفتش أوصلك، وشبحان الله النهارده ومن غير ترتيب ألاقك
قاعد بتفطر في الترابيزة إلي جنبني.

نادر: كله بميعاده ياعم نحاس، اتفضل قول وأنا سامعك

نحاس: لا مش هينفع هنا، لا الزمان ولا المكان هينفعوا، الورقة دي
فيها رقم التليفون كلمني بعد العيد وهحكلك كل حاجة من طقطع ل
سلامو عليكموا

نادر: بس أنا مافهمتش اشمعنى أنت إلي شوفت كمية الأهوال إلي
قولت عليها

نحاس: يكفيك إني أقولك إني شغال مُسعف؟

تبدلت ملامح نادر ونظر لنحاس باهتمام أكثر

نحاس: أيوه هو إلي جه في دماغك دلوقتي

عربية إسعاف وميتين بمليون شكل وطريقة و أسرار مايعرفهاش غير
واحد زي إلي واقف قدامك دلوقتي

نادر: خلاص وصلت ياعم نحاس، هكلمك.

طبقت الورقة وحطيتها في جيبني وقولت هكلمه فعلا بعد العيد لعل
وعسى نُخرج بتحقيق جديد.

وشغل بالي حاجة غريبة جدًا، ومعرفش ليه فكرت في الموضوع كده،

لاحظت إن عم نخاس راجل مُصطنع، كلامه مرتب، وهدومه منمقة، ده حتى كان لابس بليزر عليه علامة ماركة، باين عليها إنها غالية جدًا، يعني أعتقد ده بمرتبه في شهر كامل، وأعتقد بردو إن شغلانة مسعف زيها زي أي شغلانة بسيطة، مش مدير بنك يعني عشان يلبس كده ويتكلم بالطريقة دي، ورجعت شيلت الأفكار دي من دماغي وقولت لنفسي مليش دعوة، الله أعلم بحاله وحياته، وبعد العيد مش بعيد إن شاء الله، أنا يهمني أكتب واسمع، مش التحري عن الأحوال الشخصية.

عدى على الموضوع ده ٧ شهور وكل ما أجي أكله يحصل حاجة تمنعني، مرة أتشغل في تحقيق جديد، مرة أسافر البلد لأمي وأختي، بس أعتقد إن كده أن الآوان إنني أكله، بس على الله الأقي الورقة إلي فيها رقم تليفونه

روحت البيت ومن قبل ما أغير هدومي قلبت الدنيا حرفيًا على الورقة، وإلي كُنت خايف منه لاقيته الورقة ملهاش أثر!

ما أقولكمش على كمية الإحباط إلي حسيته، جهزت وجبة خفيفة و صببت عصير البرتقال، اتغديت ودخلت أريح شوية مع إنني مش من مُحبي نوم العصاري، فضلت أتقلب على السرير

شوية أعصر في دماغي وأفكر أنا شايل الورقة فين ولسه هروح في النوم لقيت باب الشقة بيخبط قومت فتحت الباب لقيت آخر حد كُنت ممكن أتوقعه واقف على الباب، نخاس!!

نادر: إيه أنت، أنت، أنت!!

نخاس: مالك يا أستاذ نادر؟ ما كنتش عاوز تشوفني ولا إيه؟

نادر: بالعكس أنا لسه كُنت بدور على رقم تليفونك، أنت عرفت عنواني مينين؟ و ليه دلوقتي بالذات جيت لي؟!

نخاس: حلم

نادر: يعني إيه؟

نحاس: شوفتك إمبراح في حلم بتتصل بيا وبتقولي إنك عاوزني وحتى بتعتذرلي إنك اتأخرت عليا، صحيت من النوم و قولت لازم أجيلك بأي طريقة، فضلت أدور لحد ما جبت عنوان الجورنال، ولما روحت قالولي إنك لسه ماشي من شوية ومارضيوش يدوني العنوان إلا واحد منهم خرج ورايا برة وإداهولي، حتى بالأمانة إداني الورقة دي وقالني أوصلها لك وما تفتحهاش غير بعد ما أنا أمشي

نادر: لا تمشي إيه بقى إحنا عاوزين نتكلم

نحاس: صدقني هنتكلم، متقلقش هجيلك الجورنال بكرة وهنتكلم

نادر: تمام إتفقنا هستناك بكرة.

وخرج نحاس ودخلت أوضتي في اللحظة دي حسيت إن إيدي قافلة ومتبته على حاجة، فتحتها لقيت الورقة إالي نحاس إدهالي فتحتها لقيت مكتوب فيها عنوان في منطقة الحسين، إيه العنوان ده؟

ومين من الشغل إالي باعتهولي؟

وباعتهولي ليه؟

على العموم بكرة مش بعيد.

تاني يوم الصبح من أول ما دخلت الجورنال و أنا عمال أسأل مين إالي قابل نحاس من الموجودين، للأسف بسبب الشهرة إالي اكتسبتها من كتاباتي بقى بيجي الجورنال ناس كتير يوميًا يا إما تسأل عني يا إما تسبب لي جوابات عن تجاربهم المرعبة وعلشان كدة محدش إداني إجابة مفيدة لسؤالي.

خمس ساعات هي مدة إنتظاري لزيارة نحاس كنت مجهز الورق و جهاز التسجيل و أقلامي علشان أدون و أسجل كل حاجة يقولها لكن

للأسف مجاش.

طلعت الورقة من جيبى وبصيت على العنوان المكتوب و كان القرار فعلاً زي ما إنتوا بتفكروا دلوقتي إن أنا أروح هناك.

لما اتحركت من الشغل كانت الساعة حوالي أربعة عصرًا وصلت العنوان حوالي الساعة خمسة ونص، البيت كان في حارة ضيقة تحسه بيت أثري عتيق، طلعت الدور الثاني زي ما مكتوب في الورقة، فتحت لي لما خبطت واحدة ست في أوائل الخمسينات.

نادر: هو ده بيت مين؟

الست: خير اللهم اجعله خير، أنت مين يا بني وعاوز مين؟

نادر: معرفش

الست: هو إيه إلهي ماتعرفش؟ جاي بتخبط عليا وبتقول مين؟! هو حضرتك من بتوع التعداد ولا حرامي فاكرنى حيلتي حاجة، أدخل دور بنفسك ولو لقيت حاجة ابقى خُدها

نادر: لأ أنتي فهمتي غلط طب تعرفي حد اسمه نخاس؟

الست: أنت عاوز إيه يا بني من الآخر أنا مش قادرة أقف

نادر: معرفش أنا كل إلهي أعرفه إن في واحد اسمه نخاس جابلي الورقة دي وكان في اتفاق نتقابل وما إتقابلناش

الست: نخاس قالك إن أنتوا هتتقابلوا؟!

نادر: أقسم لك ده إلهي حصل

الست: اتفضل يا بني أدخل

نادر: طب قبل ما أدخل سؤال واحد، أنتي تعرفي نخاس؟

الست: نخاس يبقى جوزي يا بني بس هو حرج عليا ما تكلمش مع حد

Telegram:@alanbyawardmsr

غريب.

دخلنا، البيت من جوا بيت بسيط جدًا بيغلب عليه الكآبة، وكان فيه برواز خضني، كان برواز كبير مرسوم جواه منظر طبيعي، لغروب الشمس على مقابر!!، محطتش في دماغي، لأن الست فضلت تلح عليا إلحاح شديد إنني أشرب كوباية شاي، ووافقت.

الست: أنا يابني اسمي راضية

نادر: عاشت الأسمي أنا عارف إنك قلقانة مني وده حقك بس لما عم نخاس يشوفني هتتطمني

راضية: أنا افكرتك يابني مش أنت إلي كُنت موجود في المطعم رمضان إلي فات وجوزي جه وقف معاك؟

نادر: بالضبط كده الله ينور عليكي

راضية: عاوز من نخاس إيه؟

نادر: هو إلي عايز مش أنا إلي عايز وهو إلي إداني العنوان ده لما جالي إمبراح

راضية: أنت بتقول إيه يابني؟ نخاس مات من ثلاثة شهور

نادر (بينه وبين نفسه): أنا مابقيتش أستبعد حاجة

راضية: أنت بتقول إيه؟

نادر: لا ولا حاجة علشان لو حد تاني سمع الكلام ده كان خاف وإستغرب وخرج يجري، لكن إلي قاعد قدامك ده شاف وسمع كتير أوي

راضية: طب لما جالك إمبراح كان عاوز منك إيه؟

نادر: كان عاوزني أجي هنا علشان يحكي لي إلي عنده

راضية: إن كان على إيلي عنده، فهو كان عنده كثير وياما قولته بظل
تحكي أحسن الناس يقولوا عليك مجنون

نادر: طب ما تحكي أنتي لأن ديه هعتبرها وصيته إني أكتب إيلي عنده

راضية: ويحصلي زي إيلي حصله؟!!!

نادر: هو إيه إيلي حصله؟

راضية: نحاس ما ماتش موة ربنا

نادر: كل الموت يا بست راضية موت ربنا

راضية: لأ، إلا موة جوزي

نادر: ممكن أعرف هو مات إزاي؟

راضية: هقولك في الوقت المناسب

نادر: والوقت المناسب ده إمتى يا بست راضية

راضية: لما تعرف إيلي كان عاوز يحكيهولك الأول

نادر (محاو لا السيطرة على غضبه): هو إحنا هنفضل نلف وندور ورا
بعض كثير النهاردة؟! هو إيه الوقت المناسب أو ابعتيني لحد من إيلي
قولتيلي إنه حاكلهم علشان يعرفوني إيلي حصل

Telegram:@alanbyawardmsr

راضية: لأ

نادر: وأخرتها؟

راضية: مش الأستاذ بيعرف يقرأ بردو؟

نادر: على قدي

راضية: طب استنى

دخلت راضية جوا ورجعت معاها كشكول كبير وإدتهولي

راضية: قولتك مش هتحتاج حد يحكيك أي حاجة، نخاس بنفسه
حاكي كل حاجة هنا في الورق ده

أخذت الكشكول في خُضني كاني لقيت كنز وشكرتها و قومت بسرعة
علشان أخلص من كلامها ومراوغتها ليا وأنا طالع من البيت قالتلي:

راضية: خلص وارجلي علشان أحكيك إيه إللي حصل لنخاس في
آخر أيامه و إيه إللي حصلي أنا بعد ما هو مات، ونفس إللي قولتهوله
هقولهولك ما تتكلمش مع أي حد عن إللي هتقرأه، مع السلامة يا بني.

الفصل الثاني

(مُذكرات نخاس)

رَوحت البيت في زمن قياسي وعندي فضول أعرف مُذكرات نخاس
فيها إيه.

قعدت على السرير، طلعت الورق و الأقلام و جهاز التسجيل و جهزت
عصير البرتقال وبدأت أقرأ.

مبدئياً من الواضح إن المُذكرات دي اتكتبت على فترات مُتباعدة، بعض
الورق قديم مُتهالك والبعض حالته متوسطة والبعض لسه جديد،
ماينفعش أقول عليه كشكول زي ماهي قالت لأنه ببساطة هو عبارة عن
ورق كتير متجمع من مصادر مُختلفة ومتدبس في بعضه .

خليني أقرأ لكم المُذكرات زي ماهي مكتوبة بالضبط.

مُذكرات نخاس...

مش عارف أبداً مين أنا لا بعرف أكتب مُذكرات ولا عمري مسكت
ورقة وقلم كتبت حاجة غير تصاريح تسليم المصابين والأموات.

بس هكتب، هكتب أحسن ما يقولوا عليا مجنون، هكتب يمكن حد

يصدق، هكتب قبل ما أموت نفسي أو حد منهم يموتني.

أنا اسمي نخاس، ماشي في التسعة وأربعين سنة، بشتغل مُسَعِف بقالي زيادة عن خمستاشر سنة، لو قولت إني نقلت ألف حادثة مش هكون كداب إن منهم 900 حالة وفاة، ده أنا زمايلي في الشغل سموني (نخاس الموت علينا حق).

أنا وصلت لمرحلة إن كل ما بيجيلنا بلاغ بحادثة وبكون في الوردية بتاعتي بروح وأنا متأكد إني مش هلاقي ولا واحد عايش وهلاقيهم كلهم ميتين.

مش ده المهم، المهم إلي هحكيه دلوقتي..

القصة بدأت بحادثة كبيرة على الأوتوستراد كانت ميكروباص و عربية نقل، لما وصلنا لقيناهم كلهم ماتوا ماعدا شيخ كبير غمره فوق التمانين سنة كان بيلفُظ أنفاسه الأخيرة وإحنا بنشيله كان عمال يقول: الأمانة منقولة.. الأمانة منقولة، الأمانة منقولة، وشاور بإيده بوهن وضعف شديد قربت ودني منه فقالي: اقبلها يا بني اقبلها

قولته: هي إيه يا حاج؟

الشيخ: بالله عليك اقبلها دي أمانة ومسئولية

نخاس: حاضر يا حاج ماتتعبش نفسك بس واهدي خالص.

كان رده عليا:

أشهد أن لا إله إلا الله.. وأشهد أن محمد رسول الله

ومات! مات وسابلي لُغز مش فاهمه و إلي اكتشفته إن المُسَعِف إلي كان معايا ماسمعش أي حاجة من الكلام ده!

ده كمان بيحلف لي إني كُنت بكلم نفسي وإن الراجل ميت من وقت ما وصلنا.

طلعنا على القسم عملنا المحضر المُعتاد وإللي بنعمله دايماً في الحوادث ومنه طلعنا للتلاجة سلمنا الجثامين و كان ميعاد ورديتي خلص وروحت، أقدر أقول إن من اليوم ده حياتي اتبدلت ١٨٠ درجة و البداية كانت بأحلام كثير جداً كل ليلة بالشيخ إللي كان في الحادثة، الأحلام كانت عبارة عن إعادة كل إللي حصل من وقت ما روحت مكان الحادثة لحد ما سلمت الجثة ورسايل تانية غير مفهومة، لحد ما في يوم كُنت بنقل جثة واحد وواحدة من بيتهم، إللي حصل وإحنا في الطريق وزميلي السواق جنبي فجأة زغرودة جت من مكان الجثث أنا حرفياً موتت في جلدي لدرجة إني مابقيتش عارف أنطق وبصيت لزميلي لقيته مركز في الطريق وكأنه ماسمعش أي حاجة، فمكناش قدامي غير إني ألتزم الصمت، مفيش دقيقة أو دقيقتين بالكثير وانطلقت الزغرودة التانية، صرخت في زميلي و قولته أنت مش سامع إللي بيحصل؟ قالي: لأ مش سامع حاجة

مكملش الجملة و إذ بصوت طبل و دفوف وزغاريد ينطلق من عند الجثث، إلتفت ورايا لقيت الجثتين قاعدين! صرخت في زميلي و طلبت منه يوقف العربية، نزلت أجري من العربية و فتحت الباب إللي ورا لقيت الجثث نائمة على السراير زي ما حطناهم بالضبط وزميلي مفيش على لسانه غير أنت إتلبست يا نحاس، أنت اتلبست يا نحاس، حلفت ما أنا مكمل المشوار في العربية، قولته اسبقني وهحصلك بالمواصلات.

إللي عرفته بعد كده إن الإثنين دول كانوا عرسان وماتوا بتسريب غاز يوم فرحهم.

ده كان أول موقف أتعرض له و بدأت المواقف تتوالى.

تاني مرة كُنا بننقل جثة بست ماتت في انهيار عقار، إحنا نقلنا في الحادثة دي جثث كثير ودي كانت آخر جثة، كُنت يومها أنا إللي سايق العربية و زميلي جنبي لأنه كان مطبق ورديتين فعرضت عليه إني أسوق و وافق، في عز كلامنا أنا وهو سمعت خبط من ورا إلتفت ورايا

زي المجنون مفيش حاجة، فكملت سواقة سمعت صوت واحدة سبت
بتقولي: بنتي لسه هناك، إلتفت بسرعة لزميلي وقولتله مش معقولة
تكون مش سامع إلي أنا سامعه؟

فجاوبني بنفس الرد بتاع المرة إلي فاتت إنه مش سامع أي حاجة،
لحد ما وصلنا الجثة للتلاجة واستلمها العامل منا وأنا ما بسمعش غير
«بنتي لسه هناك» بشكل متكرر ومُستفز لدرجة إن أنا زعقت وأنا واقف
في الشارع خلاص عرفت، خلاص ارحميني
ورجعت بسرعة لمكان العقار المُنهار و قولت للي موجودين هناك لقيتوا
جُثت تانية؟

فكان ردهم إن الجثة إلي أنا خدتها كانت آخر جثة في المكان كله.
قولتلهم مستحيل، في جثة لسه ما طلعتش لبنت السبت إلي كانت
معايا، و بعد نقاش استمر لعدة دقائق أقنعتهم يكملوا تنقيب و كانت
المفاجأة إنهم فعلاً طلَعوا جثة بنت في أوائل العشرينات و كلهم في
عينيهم ونظراتهم تساؤلات كتير ليا مش لاقين لها إجابة، أنا نفسي
مش لاقى إجابة.

و توالى الحوادث واستمر تواصل الأموات إلي بنقلهم معايا.
كُنت أنا و زميلي بننقل واحدة سبت جالها غيبوبة سُكّر بالليل متأخر، و
كان زميلي مشغُل كعادته أم كلثوم.

وابن السبت كان ورانا بعربيته والمريضة ورا..

كُنت مُندمج جداً مع أم كلثوم و هي بتقول:

بعد حين يبذل الحُب دازه

والعصافيرُ تهجُر الأوكاز

وديار كانت قديماً ديار.

وسمعت وسط الأغنية صوت نههة وبكاء مُنخفض

فقلت لزميلي: أنت مهيب إيه في الأغنية؟

قالي: مهيب إيه مش فاهم؟

نحاس: مخلي واحدة تعيط جوا الأغنية!

زميلي: إيه ده! هو أنا ما بيتهيا ليش؟!

نحاس: لأ ياخويا، هو ده مش أنت إلكي عامله؟

زميلي: أقسم بالله الشريط ده موجود على طول بتاع هذه ليلتي و
أول مرة أسمع العياط ده جوا الأغنية.

وفي عز كلامنا، بصيت بالصدفة ورا، لقيت البست قامت قعدت و
شدت ماسك الأكسجين من على وشها، و التفتت لي وبعزم ما فيها
حدفت ماسك الأكسجين بالخرطوم بتاعه عليا، أنا و طيت بحركة لا
إرادية ومن غير ما أقصد خبطت زميلي ففرمل بسرعة.

إلتفت ورا لقيت البست نائمة زي ماهي و الماسك على وشها!!!

لما نزلنا علشان ندخلها الطوارئ لقيت الماسك مفصول عن أنبوبة
الأكسجين أو تحديداً مقطوع بفعل فاعل!

ربنا ستر والبست ما كنتش ماتت يومها.

مش هنسى في مرة لما كنت بنقل جثة راجل مراته قتلته، طول
الطريق حرفياً كنت بسمع أفضع شتائم من جثة الراجل و تهديدات ليا
إنه هيجيلي ويطلع على جتتي البلا.

إنتوا متخيلين هل في بني آدم يتحمل إلكي أنا إتحملة ده؟!

الموضوع عقال يزيد و أنا حالتي بتسوء و قدمت طلب إنني أتنقل لأي
وظيفة مكتبية وإنني منقلش لا جئت و لا مُصابين تاني، قدمت الطلب
ده تحديداً بعد حادثة مُعينة حسيت بعدها إنني لو منسحبتش هتجنن

ده إذا كنت لسه ما إتجننتش أصلاً، الحادثة دي كانت في عز الشتا والجو كان مغيّم و الدنيا قالت هاتك يا مطرة واتبلغنا إن في أتوبيس شركة عمل حادثة مع عربية نقل، لما وصلنا شوفت منظر غريب جداً، شوفت كل الفُصابين واقفين على الرصيف وغرقانين في دمهم ولا بيتحركوا ولا بيعملوا أي حاجة، جريت عليهم أسألهم و أحاول أساعدهم محدش فيهم رد عليا كأنهم منومين مغناطيسيًا، لقيت زميلي جاي من ورايا بيقولي: أنت واقف بتهيب إيه عندك هو أنا هشيل الميتين دول كلهم لوحدي؟

قولته أديك قولت ميتين مش أولى نشوف الفُصابين دول الأول نطمئن عليهم

رد عليا: فُصابين مين؟ كل إللي في الحادثة ماتوا

قولته: سلامة نظرك أمال دول مين؟ و شاورت على إللي واقفين على الرصيف ولقيتهم كلهم مُبتسمين.

قالي: هو إحنا مش هنبطل شغل المجانين ده بقى؟ مش قد الشغلانة يا نحاس سيبها، الرصيف فاضي مفيش عليه أي حد و الجُثث كلها مرمية على الأرض قدامك.

كل الجُثث إللي في الأرض كانت نُسخة طبق الأصل من إللي واقفين على الرصيف فأيقنت إن حالتي بتسوء لأنني لازم أسيب الشغلانة دي.

ليلتها لما رَوحت البيت كنت واخذ القرار بأني أتنقل من العمل الميداني ده أو أسيب الشغلانة خالص.

حكيت لراضية مراتي كل إللي حصل من أول ما شوفت الشيخ لحد الحادثة الأخيرة فكان ردها: بلاش تتكلم مع حد وما تقطعش عيشك بإيدك.

دخلت إترميت على السرير وأنا مش عارف إيه القرار الصح إللي لازم يتاخذ، معرفش نمت قد إيه لكني صحيت مخنوق مش قادر أتنفس

مش قادر حتى أمد إيدي أجيب المية إلي جنبي أشربها، و في وسط الضلعة شايف ناس كثير واقفة في الأوضة واقفين زي التماثيل مش عارف أشوف ملامح وشوشهم من الضلعة لكن شايف هيئتهم كويس و عددهم إلي يتجاوز عشر أفراد، بصعوبة بالغة قدرت أحرك إيدي و مديتها للأباجورة علشان أنور الأوضة يادوب لمست الزرار والأباجورة نورت و حسيت بإيد متلجة قبضت على إيدي، لما الأوضة نورت مفيش حاجة اختفت زي ما بتقولوا في كتب الحواديت بالعكس كل حاجة بقت أوضح، نفس الجثث إلي كانت على الرصيف متلطخة بالدم واقفين حوالين السرير وواحد منهم هو إلي كان ماسك إيدي علشان ما أنورش الأباجورة، أنتوا متخيلين الموقف؟

تخيل نفسك نايم على السرير وتصحى تلاقى أكثر من عشر جثث واقفين حوالين السرير ومحاطينه وكلهم عندهم الباردة الخالية من الحياة متسلطة عليك، أنا معرفش المفروض الواحد في المواقف إلي زي كده يعمل إيه ويتصرف إزاي!

كل إلي عملته إني قرئت بعض آيات من القرآن فكان رد فعلهم إنهم إتكلموا كلهم مع بعض بصوت واحد عميق مُخيف كأنه جاي من الجحيم و قالوا: لا تترك الأمانة، لا تترك الأمانة، لا تترك الأمانة وفتحوا الباب وخرجوا واحد ورا الثاني، طبعا محدش شاف ولا سمع غيري كالعادة، وهنا كان قراري النهائي إني هسيب الشغل أو هتنقل وإلي يحصل يحصل.

دلوقتي أنا بالفعل إتنقلت وسبت المجال الميداني كله وكنت فاكر إن هو ده العلاج بس للأسف إلي أدركته مؤخرًا إني فتحت على نفسي باب من أبواب جهنم.

بعد ما كُنت بشوف الميتين و بسمع أصواتهم في عربية الإسعاف، دلوقتي بقيت بشوفهم في كل مكان حواليا و بعد ما كانوا مجرد إنهم بيوصلولي رسالة أو استغاثة دلوقتي بقوا يعذبوني نفسيًا و جسديًا ليل

نهار وبيأكدولي إن الأمانة اتقلبت عليا بعد ما خونتها وإن إلي باقي
في عمري مجرد أيام، حاولت أدارك الأمر و أرجع للشغل الميداني تاني
لكن للأسف الوضع ماتغيرش والموتى بيطاردوني و كأنهم بينتقموا من
ملك الموت في شخصي و بعد ما كُنت أنا أحد أذرع ملك الموت
لتوصيل الموتى للتلاجات بقيت ضحية لأرواح خبيثة قررت إن هي
تسلمني لملك الموت بمنتهى البُطء الرهيب.

أنا معرفش علاج إلي عندي ده إيه، أنا مش عاوز أموت ولا مُستعد
للمواجهة دي دلوقتي.

دي آخر حاجة بكتبها و إلي يُقع في إيده المذكرات دي أكيد هيكون
بيقراها وأنا ميت وهنصحك نصيحة، مش كل أمانة نقدر نحملها ونكون
أمناء عليها.. **Telegram:@alanbyawardmsr**

انتهت مذكراتي..

النحاس..

أنهيت تصفح مذكرات نحاس كانت الساعة حوالي عشرة بالليل بدون
ما أفكر كتير كُنت في الشارع رايح الحسين أقابل زوجته، المشوار
ماخدش وقت كتير علشان كُنا بالليل ومع أول خبطة على الباب كانت
فتحالي.

راضية: كُنت مُتأكدة إن أنت

تذكر أنك حملت رواية نادر فودة الأعوان حصريا ومجانا من على موقع
مكتبة بيت الحصریات أكبر مكتبة للكتب والروایات الحصریة والممیزة
والجدیدة والنادرة ولتحميل المزيد ادخل على جوجل واكتب فى خانة
البحث مكتبة بيت الحصریات هنظهرلك .

نادر: ما هو أنا لازم أعرف، أنا مش هينفع تسبيني متعلق كده

راضية: اتفضل، قریت كل حاجة؟

نادر: أه ومحتاج أعرف منك إيه إللي حصل بعد كده

راضية: وفهمت إيه من إللي قريرته؟

نادر: فهمت إن نخاس من بعد ما قابل الشيخ وحياته بقت صعبة جدًا وماستبعدش إنه يكون انتحر، بجد الله يكون في عونته على إللي مزببه وشافه

راضية: نخاس كل يوم كانت حالته بتكون أصعب من اليوم إللي كان قبله، بقى عصبي، قاعد لوحده طول الوقت، مش طايق يقعد مع حد و لا طايقلي كلمة، بقى ياكل لوحده ساعات ياكل زي إللي ماكلش من أسبوع و يخلص طبق واتنين و ثلاثة وساعات أشيل الأكل زي ما بحطه، وكل أما أجي أفاتحه في الحال إللي وصله يزعق ويقول مش أنتي قولتي ماتتكلمش مع حد وأنتي ماتفرقيش عن أي حد.

أنا قررت أواجه إللي أنا فيه بنفسني وأحل المشكلة دي من غير مُساعدة حد.

بتكمل راضية كلامها وبتقول:

لحد ما لقيت في يوم عادل زميله بيتصل بيا على تليفون البيت و بيقولي: عقلي جوزك يا راضية

غير شغله وقولنا ماشي إنما يسبب الشغل خالص ده كده اتجنن رسمي.

الأيام الأخيرة في حياة نخاس كانت صعبة جدًا، شكله بقى عامل زي الميتين تحت عنيه أسود و وشه أصفر، كان بيدخل الحمام يقعد بالساعات و أسمعته بيزعق ويقول: ابعدوا عني، أنا مش عايز الأمانة دي، كُنت بحاول بأي طريقة أمنع إللي خايفة منه يحصل، وقبل الموت بيوم جالي تليفون من واحد اسمه حمدي قالي: إنه شغال حارس لتلاجة الميتين إللي دايمًا نخاس ببسلم الجُثث فيها و قالي بالحرف:

إلحقي جوزك أول إمبراح كان بيقولي إنه لازم يموت و لما سألته ليه؟
قالي إن الميتين مش سايبينه، ماقدرش أقولك إن جوزك عنده مرض
نفسي بس هقولك إن جوزك اتمس وإللي بيشتغل مع الميتين ياما
بيشوف و لو حكيتك عن إللي أنا بشوفه هقولك على حاجات تشيب،
ربنا يلطف بيه وبيننا.

راضية: مفيش عدى يومين ولقيت الناس بتخبط على الباب وداخلين
شايلين نحاس ميت، إللي يقولي وقع في الشارع و إللي يقولي فضل
يئص للسا ويصرخ، وإللي قال كان بيقول أنا خلاص سلمت الأمانة
ومستعد للموت، ومفهمتش حاجة يا ابني

نادر: أنتي قولتي إن حصلك حاجات بعد موت نحاس

راضية: من وقت ما شوفت وشه وهو ميت كانت عينيه مفتوحة على
الأخر وبوقه مفتوح هو كمان، بقيت كل لما أبص للمرايا بشوف الوش
ده و بقيت لما بنام بشوفه وهو بيصرخ وبيجري في صحرا وبيجري
وراه ناس متكفنة لحد ما يلحقوه و يرقدوه في الأرض ويفضلوا
يعضوا في جسمه، أصحى بعدها من النوم الأقي جسمي مليان عض
وكان أنا إللي كانوا بيعضوني مش هو لحد ما جسمي اتشوه

نادر: وبعدين إيه إللي حصل؟

راضية: كل حاجة انتهت فجأة زي ما بدأت وكنت مقررة إنني مش
هفتح الموضوع ده مع أي مخلوق مهما حصل، ممكن أطلب منك طلب؟

نادر: اتفضلي

راضية: انساني يا ابني وما تجيش هنا تاني لأنك قلبت عليا مواجع كثير
ماحبش أفكرها واتفصل مع السلامة.

خرجت من عند راضية وأنا معايا نهاية مأساة نحاس، نهاية اللعنة
إللي قصدته بدون ما يكون له يد أو دخل فيها.

يمكن فعلاً هي كانت أمانة بس الأكيد إن مش كل أمانة يقدر أي شخص إنه يشيلها.

الفصل الثالث

(اختفاء و عودة)

مع نسمات فجر يوم جديد كنت بفتح باب شقتي مُنهك تعباً محتاج أترمي على أقرب كرسي يقابلني، علشان حتى مش هقدر أوصل أوضتي وفعلاً ده إلي حصل بمُجرد ما دخلت وقفلت ورايا الباب إترميت على أول كرسي قابلني وفي ثواني معدودة كنت نايم.

لما صحيت حسيت كاني كنت نايم لأيام متواصلة، فضلت شوية قاعد على الكرسي بحاول أسترجع كل إلي حصل وبمجرد ما لقطت أول خيط فتحت شنطتي بسرعة وبصيت في الورق وقررت الملاحظات إلي كاتبها و أتأكدت إن كل ده حصل مش مجرد حلم، مخبيش عليكم أنا مؤخرًا الواقع والأحلام بقوا مُختلطين جدًا عندي ببعض لدرجة إن أوقات كثير ما بقدرش أميز بينهم، هل ده بسبب كُتر إلي مرّيت بيه ولا بسبب لعنة قديمة اتعرضتها مع دخولي مجال ما وراء الطبيعة ولسه بدفع تمنها لحد دلوقتي.

قومت أخذت دُش و دورت في التلاجة على أي أكل أفطر بيه، لبست و نزلت الشغل بمُجرد ما وصلت قابلني مديري المُباشر أستاذ عماد بنظرة استغراب و قالي:

عماد: أنت لحقت؟

نادر: أيوه لحقت

عماد: بس مش عادتك إنك تختفي يوم واحد ده أنت حتى مكملتش يوم، بقولك إيه يا نادر أنا مش عاوز كروته في الشغل وبعدين لما أنت

تكروت أمال الباقيين دول يعملوا إيه!

نادر: بعد إذنك يا أستاذ عماد علشان أنا هدخل مكتبي وأعيد صياغة التحقيق.

سبته ودخلت المكتب وطلبت فنجان قهوة و طلعت كل الورق إلي معايا بما فيها مذكرات نحاس ولأول مرة أنسى أسجل على شرائط الكاسيت، معرفش هل ده بسبب اندماجي الشديد مع راضية وهي بتحكي لدرجة إني نسيت إني جاي في مأمورية عمل، ولا فيه حاجة خلتنى أنسى أسجل بفعل فاعل .

مش مشكلة، الموضوع لسه طازة ومش هنسى أي تفصيلة إن شاء الله.

بدأت أسرد كل حاجة بالتفصيل مع وضع بعض لمساتي الصحفية إلي بتضيف تشويق للقارئ، طبعا بدون أي تحريف في الأحداث، معرفش فضلت أكتب قد إيه لدرجة إن إيدي مبقتش حاسس بيها لكني بردو مكمل لحد ما وصلت عند جملة قالتها لي راضية قالتلي:

قبل الموت بيوم جالي تليفون من واحد اسمه حمدي تحريف في الأحداث، معرفش فضلت أكتب قد إيه لدرجة إن إيدي مبقتش حاسس بيها لكني بردو مكمل لحد ما وصلت عند جملة قالتها لي راضية قالتلي:

قبل الموت بيوم جالي تليفون من واحد اسمه حمدي قالي إنه شغال حارس لتلاجة الميتين إلي دايمًا نحاس بيسلم الجُثث فيها وقالي بالحرف:

الحقي جوزك أول إمبراح كان بيقولي إنه لازم يموت ولما سألته ليه؟، قالي إن الميتين مش سايبينه، ماقدرش أقولك إن جوزك عنده مرض نفسي بس هقولك إن جوزك اتمس وإلي بيشتغل مع الميتين ياما بيشوف ولو حكيته عن إلي أنا بشوفه هقولك على حاجات تشيب، ربنا يلطف بيه وبيننا.

آخر جملة قالها حمدي وقفت قدامها كتير ولقيتني بقول لنفسي هو أنا

ليه ما روحتش لحمدي؟

ده أنا قدامي كنز تاني و خبايا تانية لشخص انخرط مع الأموات، والله فكرة أكمل التحقيق بيه ويبقى إسمي سجلت مع مُسعف ومع عامل تلاجة، دلوقتي مطلوب مني أوصل لحمدي، قفلت الورق ودخلت مكتب أستاذ عماد مديري المباشر.

نادر: التحقيق لسه ماخلصش على فكرة

عماد: عال جدًا، أفهم من كده إنك هتنزل تاني؟

نادر: ده متوقف على ردك عماد: ردي على إيه؟

نادر: في واحد اسمه حمدي عامل في تلاجة أموات، اتصرف وصلني بيه أو هاتلي عنوانه

عماد: طب هو في أي مستشفى طيب

نادر: أنا لو كُنت أعرف ماكنتش جيت طلبت منك

عماد (بعد صمت دام لدقائق): حاضر يا نادر أنا هتصرف اتفضل رُوْح وبكرة ربنا يقدم إللي فيه الخير.

رجعت مكتبي أخذت كل متعلقاتي وقولت هبقى أكمل كتابة التحقيق الخاص بنحاس في البيت، وأول ما رجعت البيت حسيت بحاجة مش طبيعية، إحساس غريب كأن كان فيه نفس جوه البيت، زي ما يكون كان في حد هنا، أو لسه هنا!! سببت كل حاجة من أيدي، روحت أدور بحذر في كل أرجاء البيت على مجهول أنا نفسي معرفش بدور على إيه؟! وفي عز إندماجي في البحث، صرخت وإتنفضت في مكاني!!، حسيت بإيد خبّطت على كتفي!!، إلتفت ورايا ولقيت ورقة متعلقة على باب التلاجة، مكتوب فيها:

حمدي مصطفى ميرزا، زفتى - الغربية، عايش في فيصل مواعيد شغله في التلاجة الموتى من ٨ مساءً ل ٨ صباحًا..

لو اتحركت كمان ساعتين هتكون عنده و هو بيستلم الوردية بتاعته.
قربت من الورقة وأنا مش مصدق عنيا!، مديت إيدي ببطئ وأخذتها
من على التلاجة، وبدأت أقلبها وش وضهر، وأغمض عنيا وأفتحها
يمكن أكون بحلم أو بتخيل، وسمعت صوت بيقولني:
(متستغربش. لسه الطريق بيدأ، واللي مستنيك كتير أوي).

كنت عارف الصوت كويس، ده صوت نحاس!!..

الفصل الرابع

(من داخل تلاجة الموتى)

في الميعاد المُحدد كُنت مجهز شنطتي، ومتحرك للعنوان إلي قريته
في الورقة اللي لقيتها على تلاجتي

كعادة الطرق عندنا في الوقت ده بتبقى زحمة جدًا، على ما وصلت
الساعة كانت بعد تسعة، ولعلمكم ده كان مصلحة لأنني لما روحت الدنيا
كانت هادية تمامًا برة.

خليني أوصفلكوا المكان..

تلاجة الموتى بيغلب عليها من برة كآبة رهيبه، يكفيك إنك عارف إن
كل إلي جوا مجموعة أدراج وأرفف شايلة جُثث منهم الغريق، ومنهم
إلي مدبوح، ومنهم إلي مضروب بالرصاص، ومنهم مات على سريريه،
منهم إلي مات وساب وراه الغاز محدش فاهمها، منهم إلي مات
وساب وراه أسرة تعيسة مُستقبلها مُظلم، منهم إلي سايب أسرة كانت
بتتمنى اللحظة دي من زمان، منهم إلي عاش في قصور ومنهم إلي
عاش في عِشش، منهم إلي مالوش حد وآخرته مقابر الصدقة، عاش
غريب ومات غريب، منهم إلي هيتعمله افخم عزا .

و برغم كل الاختلافات دي، كلهم بيجمع بينهم شيء واحد، الشيء ده

هو التراب إلی کلهم هیترموا علیه وهیغظیهم وهیحولهم فریسة للود
ینهمش فیهم، مجرد الفكرة نفسها مُخيفة ومقبضة.

قطع تفکیری و تأملي وأنا واقف قدام التلاجة صوت بیقولی: خیر
یا بنی، أنت لیک حد جوا؟

بصیت للی بی تکلم لقیت شخص هزیل، نحیف، أقرب للموت منه
للحیة، بیذخن سیجارة وإیده بتترعش ونظرات عینیة خاویة، وفی
إیده التانیة کوبایة شای تقریبًا نُصها وقع علی الأرض من رعشة إیدیة،
ماکنتش محتاج وقت کثیر علشان أستنتج إن ده هو حارس التلاجة
أصل زی ما بیقولوا سیماهم علی وجوههم.

نادر: آیوة، بصراحة واحد قریبی مفقود وقالولی ألف علی التلاجات
یمکن الأقیه

حمدي عامل التلاجة: فهمت، فهمت، اتفضل تعالی.

- دخلت وراه وكعادة أي عامل تلاجة خبَط علی باب التلاجة الرئیسی
ودخل وأنا وراه

حمدي: أنا عندي ثلاثة جُثث بتوعي محدش اتعرف علیهم

نادر: بتوعك؟!

حمدي: آیوة إحنا فی شغلانتنا طالما الجُثث موجودة فی تلاجة
المشرحة إلی شغالین فیها بنقول بتاعتنا، قولی الأول أنت شوفت
جُثث قبل كده؟

نادر: یعنی، لیه بتسأل؟

حمدي: أصل یاما ناس کثیر جت تتعرف علی جُثث ووقعت من طولها،
مش کل الناس بتتحمل المنظر، أكید أنت عارف إن شكل الجُثث بیكون
صعب خصوصًا بقی لو میت غریق أو مسموم أو مدبوح

نادر (مقاطعًا): عم حمدي أنت تعرف راضية ونحاس؟

حمدي: مين دول؟

نادر: نحاس المُسَعِف و راضية مراته

حمدي: أه.. أه.. الله يرحمه و يحسن إليه، هو أنت تعرفهم؟

نادر: راضية إللي بعتاني ليك يا عم حمدي

حمدي: ليه؟

نادر: حكيتلي عن مكالمتك ليها قبل ما نحاس يموت بيومين

حمدي: طب مش هي حكيتك، إيه المطلوب مني؟ أحكيك تاني؟

نادر: أه هتحكيلي بس مش عايزك تحكي عن نحاس

حمدي: أقال؟ **Telegram:@alanbyawardmsr**

نادر: أنت قولتلها بالحرف إنكوا بتشوفوا حاجات كتير غريبة، أنا عاوز

أعرف إيه هي الحاجات الغريبة دي؟

حمدي: بصفتك إيه يا أستاذ؟!

نادر: هو لازم يكون ليا صفة علشان تحكي؟

حمدي: مش القصد، أصلك مادخلتش دوغري من الأول، تعالى معايا

بسكة كده و قولي أنت مين وعاوز إيه بالضبط

نادر: حاضر، بُص يا سيدي أنا صحفي و بعمل تحقيقات مع المُسَعِفِين

واسمك اتذكر في التحقيق، فقولت أجيلك

حمدي: تحقيق! كفى الله الشر، هو أنا عملت إيه؟

نادر (ضاحكًا): في شغلنا تحقيق يعني موضوع

حمدي: هتدفع كام؟

نادر: طب ماتيجي أنت كمان بسكة وكنت تقول ده من الأول، ٢٠٠ جنية
كويس؟

حمدي: رضا

نادر: اتفضل، نبدأ بقى؟

حمدي (بابتسامة عريضة): اسأل و أنا تحت أمرك

نادر: احكي لي ياعم حمدي عن الحاجات إلي تخوف إلي بتحصلك هنا

حمدي (ساخرًا): أنا ما بخافش يا أستاذ

نادر: خلاص خرينا نقول على أغرب مواقف حصلت هنا

حمدي: خريني أبدأ لك بحكاية لسه حاصلة من أسبوع استلمنا جثة
لواحد ميت في حادثة ودخلتها التلاجة بإيدي لحد ما الدكتور ينزل،
وبعدها بييجي ساعة، الدكتور جالي وطلب يشوفها، خدته ودخلنا
التلاجة لقيت الرف بتاعها مفتوح والجثة مش موجودة، الدكتور نزل
تهزيق فيا وقال: هنروح في ستين داهية بسبب إهمالك الجثة
اتسرقت يا زفت، هاتلي مفتاح التلاجة.

وقفل التلاجة وقال: خليك قاعد هنا أنا هطلع أقلب الدنيا فوق قبل
ما أبلغ يمكن حد يكون طلّعها.

حمدي: حد مين يا دكتور؟ محدش دخل التلاجة من وقت ما الجثة
جت

الدكتور: كدة يبقى موقفك أصعب، ما ترغيش كثير خريني أشوف
هعمل إيه.

وخذ المفتاح وطلع وسابني عقال أضرب أخماس في أسداس، مين
له مصلحة يأذيني ويسرق الجثة من غير حتى ما ألمحه.

بعد حوالي نص ساعة لقيت الدكتور نازل وعلى وشه خيبة أمل كبيرة

حمدي: إيه الأخبار يا دكتور؟

الدكتور: أخبار زي وشك، الجثة ضاعت وأنا مُضطر أبلغ

حمدي: يا دكتور أقسم لك بالله أنا ما اتحركت من هنا، أنا معرفش
إزاي الجثة اختفت..

وفي عز كلامنا مع بعض سمعت صوت أنا عارفه كويس صوت رف من
إلي بيتحط فيه الجثث، بصينا لبعض إحنا الإثنين والدكتور خد
المفتاح وجري فتح باب التلاجة وكانت الصدمة! الجثة موجودة في
مكانها وعلى وشها ابتسامة ترعب أكثر من ابتسامة إبليس نفسه.

الدكتور: هو إيه ده؟!

حمدي: مش مهم يا دكتور المهم إن الجثة رجعت

الدكتور: إزاي يعني! أنا لولا واخذ المفتاح معايا كنت قولت إن إلي
سرقها دخل رجعها

حمدي: ماهو مش لازم إلي سرقها يا دكتور يكون بني آدم، الأوضة دي
ياما حصل فيها حاجات كتير ملهاش تفسير وأنا عودت نفسي ما فكرش
كتير و لا أشغل بالي

الدكتور: بالنسبة للجثة إلي بتضحك دي هي كانت كده؟

حمدي: لأ طبعا

الدكتور: خُد يا حمدي المفتاح أهو، أنا هطلع أشوف ورايا إيه.

نادر: يعني الجثة اتحركت ياعم حمدي ولا إيه بالضبط؟

حمدي: أه عادي، الحكاية إلي هحكياها لك دلوقتي هتأكدك إن الميتين
بيمشوا ويتحركوا ويعملوا كل حاجة بس مش كل الناس بتقدر تشوف

ده

- في مرة ابني الكبير كان عندي هنا كان بيشتري لِسْتَه راديو

ترانزيستور علشان بتحب تشغل القرآن جنبها طول اليوم والراديو بتاعها باظ، وبعد ما اشتراه عدى عليا وقعد معايا شوية كُنا بعد العشا وخرجت أشتري كيسين سكر وشاي وقولتله أقعد هنا لحد ما أرجع.

لما رجعت ما لقيتهوش اتصلت عليه كذا مرة مردش، مفيش عشر دقائق وسمعت صوت واحدة بتصوت من جوا التلاجة! الدم نشف في عروقي، خبطت على باب التلاجة ودخلت ما كانش في أي صوت فضلت واقف شوية مستني أي حاجة تحصل تاني يادوب بتلفت علشان أخزج والصرخة اتكررت تاني ولقيتك بعدها الأرفف كلها بتتنفض وخبط جامد عليها كان الميتين صحيا وعاوزين يخرجوا.

في الموقف إالي زي ده ماينفعش أهرب، فضلت أفتح الأرفف واحد ورا الثاني، كُنت كل ما أفتح رف إما الأقي الجئة مقلوبة على بطنها أو على جنبها لحد ما وصلت لواحدة شوفت منظرين عمري ما أنساهم.

أولاً: الجئة على ظهرها والمشمع إالي ملفوفة فيه مقطوع ووش الست عليه غضب ربنا، كانت فاتحة بوقها على الآخر كأنها بتصرخ.

أما المنظر الثاني: فكان جهاز الراديو والتسجيل الصغير إالي اشتراه ابني وكان شغال شريط عمال يقول كلام مش مفهوم بس الحقيقة كان كلام يخوف.

نادر: فاكر حاجة من الكلام ده ياعم حمدي؟

حمدي: فاكره كله، كان بيقول:

- أقسمت عليكم في ثباتكم العميق

- أن تستجيبوا وتستيقظوا

- بحق كائنات الظلام

- بحق شهورش وسيلبا والملك الأصم

- أقسمت عليكم أن تقوموا من ثباتكم
- بحق من يسكنون جوف الأرض
- بحق من يسكنون الجانب الآخر
- وبأمر عازر بن مردوخ
- وبحق صارم سليل الأبالسة
- استجيبوا و إلا تهلكوا
- أقسمت عليكم في ثباتكم العميق
- أن تستجيبوا وتستيقظوا

Telegram:@alanbyawardmsr - بحق كائنات الظلام

- بحق شهورش وسيلبا والملك الأصم
- أقسمت عليكم أن تقوموا من ثباتكم
- بحق من يسكنون جوف الأرض
- بحق من يسكنون الجانب الآخر
- وبأمر عازر بن مردوخ
- وبحق صارم سليل الأبالسة
- استجيبوا وإلا تهلكوا

كان عم حمدي يقول الكلام ده وأنا بردهه جوايا، وحسيت إني عارفه،
أو سمعته أو شوفته قبل كده، بعض الكلمات مش غريبة عليا!!، وقطع
تفكيري عم حمدي وهو يقول:

حمدي: الكلام ده يابني كان صعب و يخوف أنا نفسي إلي مش ميت
أهو جسمي اتنفض لما سمعته

نادر: وعملت إيه يا عم حمدي

حمدي: من غير تفكير بثلت جهاز التسجيل رزعته في الأرض اتكسر
100 جتة، و جريت جبت الراديو بتاعي شغلته على القرآن وعلّيت
الصوت وسبته في التلاجة و جريت قعدت برة، الدنيا بعدها هديت
تمامًا والميتين هديوا

نادر: وعملت مع ابنك إيه؟

حمدي: لما رَوحت جتته علمت من كتر الضرب إللي ضربتهوله

نادر: ومعرفتش منه عمل كده ليه؟

حمدي: النت والزفت، قالي إنه قرأ حاجة مكتوبة تخلي الميتين
يصحوا وحب يجربها في الميتين بتوعي إللي في التلاجة وإذا نفعت
هيعملها مع أخته هناء الله يرحمها، إللي من يوم ما اتوفت ونور حياتنا
كله اتطفى.

نادر: البقاء والدوام لله يا عم حمدي

حمدي: الله يكرمك يا بني

نادر: هو كل إللي بيحصل في التلاجة حاجات تخوف؟

حمدي: بالعكس في ناس بتيجي وعلى وشها ابتسامه تحس إن شوية
وهينطق

نادر: شوفت ده بعينك؟

حمدي: أيوة مع بنتي، لما إتقلت من المستشفى للتلاجة بعد موتها
بالمرض الخبيث، كان على وشها ابتسامه رضا و فرحة بعوض ربنا ليها
في الجنة، يمكن ده بزد قلبي عليها وكل ما أجي أحزن أو أفكر تعبها،
أفكر وشها البشوش وأفكر لما كُنت بقرأ لها القرآن وهي في التلاجة
وحسيت بإيدها الضعيفة وهي ماشية على شعري.

نادر: أنا أسف إنني قلبت عليك المواجه

حمدي: لأ يا بني الموت علينا حق.

نادر: كفل ياعم حمدي

حمدي: كنت في مرة سهران و شاري رغيفين حواوشي وإزازه حاجة
ساقعة وحاطط الكرسي على باب التلاجة وقاعد، لسه بفتح الأكل
وسمعتك جاي من جوا التلاجة صوت غيل صغير بينادي عليا

قولته: أخلص اللقمة و بعدها هزد عليك.

الصوت اتكرر بس من واحدة بست و ناديت عليا بإسمي ووراها صوت
راجل والتالت والرابع تقولش جوا في مولد..

زهقت حطيت الأكل على الكرسي وقومت فتحت الباب ووقفت بين
التلاجات وزعقت فيهم

نادر: زعقت في مين؟

حمدي: الميتين!

-وقولتلهم جرى إيه هو أنا مش هعرف أخلص اللقمة و أتهنى بيها ولا
إيه؟ سيبوني أطفح و بعدها ابقوا قوموا ارقصوا، وسمعت لك رزعة
جاية من كل أرفف التلاجات قطعت بسببها الخلف و قومت طالع
وقافل الباب ورايا، لما طلعت لقيت لفة الحواوشي مفتوحة ومتاكل
الرغيفين وباقي منهم لقمة!

وإزازه الحاجة الساقعة مدلوقة على الكرسي إالي بقعدعليه، ولاد
الذيينه طمعوا في اللقمة بتاعتي، ده أنا كنت عامل ليلة علشان
الرغيفين دول

نادر: أنت عاوز تفهمني إن الميتين كلوا الحواوشي؟

حمدي: لأ طبعا، ده شغل جن ما هو الجن أصله طفس و مفجوع و

مايحلالوش ياكل غير اكل النبي ادمين..

ومن يومها لو أمي ندهت عليا من ثربتها وأنا باكل ولا هُذد، هخلص
الاكل الأول وبعدها أقوم أشوفها عاوزة إيه!

نادر: أنا مُتشكر جدًا ياعم حمدي، عايز بس قبل ما أمشي أسالك على
حاجة، دايقًا بشوفكوا بتعملوها وسمعتلها أكثر من تفسير، أنتوا ليه
بتخبطوا على التلاجة قبل ما تدخلوا؟

حمدي: لأ إحنا مش بنخبط على باب التلاجة بس إحنا كمان بنخبط
على كل باب أو دُرج أو رف هنفتحه، هسالك سؤال لما حد بييجي
يزورك هل بيدخل عليك البيت من غير احم أو دَستور؟

نادر: لأ طبعاً لازم يستأذن

حمدي: بالضبط كده ده إلي بنعمله، إحنا بنستأذن قبل ما ندخل

نادر: ما أنا بردو مش فاهم ليه!

حمدي: خليني أحكيك حكاية تانية، في مرة زميلي إلي بيستلم مني
الوردية حصل عنده حالة وفاة، فاضطريت أشيل مكانه وأفضل هنا
ثلاثة أيام متواصلين، على اليوم التالت كُنت مش شايف قُدامي و كان
المفروض كالعادة أدخل أتطمئن على الجُثث و إن التلاجة شغالة وكله
تمام، بيستلم مني الوردية حصل عنده حالة وفاة، فاضطريت أشيل
مكانه وأفضل هنا ثلاثة أيام متواصلين، على اليوم التالت كُنت مش
شايف قُدامي و كان المفروض كالعادة أدخل أتطمئن على الجُثث و إن
التلاجة شغالة وكله تمام، فاللي حصل إنني من كُتر السهر والإجهاد
وعدم النوم نسيت أخبُط على الباب و أنا بفتحه ودخلت، مالحقتش
حتى أقفل الباب ورايا وأنا داخل الباب اترزع لوحده وسمعت خبُط من
برة على الباب شديد جدًا بمجرد ما سمعت الخبُط أدركت إنني نسيت
أخبُط مابقيتش عارف أعمل إيه أو أتصرف إزاي، الكهربي اتقطعت
والخبُط على الباب سكت و سمعت صوت حد بيتنفس ورايا و حسيت

بأنفاس باردة في وشي فضلت أستعيز بالله من الشيطان الرجيم
ولقيتني بقول لا إرادياً: أنا أسف سامحوني ما كنتش أقصد أنا على
طول بخبط وبستاذن من يوم ما اشتغلت هنا، هي المرادي بس نسيت
بسبب إني منمتش بقالي ثلاثة أيام، العفو والسماح أرجوكم.

بعدها مفيش دقيقة الكهربي رجعت والباب اتفتح لوحده و خرجت برة
ومن يومها مستحيل أدخل المكان من غير استأذان وأخبط

تسألني ليه هقولك إن إللي قبلي جيت لقيتهم بيعملوا كده وهم جُم
لقوا إللي قبلهم بيعملوا كده وأنا إللي هيستلم مني هقوله يعمل كده.

نادر: تمام ياعم حمدي وصلت

حمدي: مش عايز تعمل بلاغ من بلاغاتك دي مع دكتور تشريح؟

نادر(بعيون لامعة): والله فكرة بردو إيه المانع، بس ما تقوليش إن
الدكتور إللي حكيت عليه من شوية علشان شكله جبان جداً

حمدي: لا.. لا.. لا.. أنا هبعثك لدكتور بيتر، ده بقى عنده أحلى حكاوي
تسمعه ده غير إن قلبه ميت وبينكش عن الحاجات دي بإبرة

نادر: والأقيه فين دكتور بيتر؟

حمدي: في بيته

نادر: ماينفعش أجيله هنا؟

حمدي: دكتور بيتر طلع على المعاش من كذا شهر

نادر: وهيوافق يحكي لي؟

حمدي: عيب عليك

نادر: بركاتك يا ٢٠٠ جنية

حمدي (ضاحكاً): لا يا أستاذ في ٢٠٠ جنية تانية علشان دكتور بيتر

نادر (مُندهشًا): دكتور هياخد ٢٠٠ جنية علشان يحكي؟!!!

حمدي: لأ طبعا أنا إللي هاخدهم، دكتور بيتر يفرقك فلوس، قولي بس عايز تروحله إمتى؟
Telegram:@alanbyawardmsr

نادر: ينفع دلوقتي؟

حمدي: يا باشا إحنا دلوقتي عدينا نص الليل

نادر: خلاص بكرة

حمدي: تعالى نخرج بره هجيب تليفوني من أوضتي، هاخذ رقمك وبكرة هكلمك وأقولك عنوان دكتور بيتر..

خرجنا ووقفت عند البوابة من جوة، وهو دخل أوضة صغيرة بالقرب من البوابة وقفل بابها عليه، فضلت مستنيه حوالي نص ساعة، غاب عليا وأنا استغربت، فقولت ما بدهاش بقى، وروحت وخبطت على باب اللي الأوضة، ولما الباب اتفتح، ذُهِلت!!، عنيا برقت ورجعت خطوتين لورا، وكان نفس الدهول والإستغراب على ملامح الشخص اللي فتح لي الباب، وسألني:

- أنت مين؟!!..

نادر (مُندهشًا): إنت اللي مين؟، هو فين عم حمدي؟!

الشخص: أنا عمار، وأنت إزاي دخلت هنا؟، هو أنا سبيت البوابة مفتوحة؟، أنا متأكد إنني قفلتها قبل ما أدخل أنا، وبعدين عم حمدي مات من مُدة..

نادر (بجنون): مات إيه؟، أنت شارب حاجة ولا لسه بتحلم، عم حمدي كان لسه معايا ودخل الأوضة قدامي..

عمار(بضحكة سمجة): يا بيه ده عادي، انت هنا في تلاجة أموات، يعني كلها عفاريت وأشباح، ويجوز كمان يكون هو اللي فتح لك الباب..

حسيت إنني بتعامل مع شخص مُختل، ومن غير كلام أكثر من كده، خدت بعضي ومشيت، كان جوايا رهبة وإستغراب وخوف، لكن قدامهم كان فيه شغف، صوت جوايا بيقولي إن كل الغير منطقي وبيحصل لي ده، هيكون نتيجته تحقيق محصلش ولا هيجصل زيه أبدًا.

وأديني أنهيت المهمة الثانية، إنطلقت في طريق عودتي للبيت علشان أكتب وأفزغ كل إللي سجلته لأن المرادي سجلت كل إللي إتقال من أول دقيقة لأخر دقيقة، على أمل خيط جديد يظهر ويوصلني بدكتور بيتر، أو بالخطوة الجديدة عموماً...

تذكر أنك حملت رواية نادر فودة الأعوان حصريا ومجانا من على موقع مكتبة بيت الحصریات أكبر مكتبة للكتب والروایات الحصریة والممیزة والجديدة والنادرة ولتحميل المزيد ادخل على جوجل واكتب فى خانة البحث مكتبة بيت الحصریات هنظهرلك.

الفصل الخامس

(كسّاب)

مارست مهامي الفُعْتادة من كتابة وتفریغ وعشا وُدش وتغییر هدوم وعلى الساعة أربعة الفجر كنت في سابع نومة بعد يوم طويل وحافل بأحداث كتیر، صحاني من نومي صوت موبایلي وهو بیرن من بعيد جدًا حاربت النوم بكل الطرُق علشان أصحى وأزد على الموبایل، كان الإتصال من مروة بنت خالتي صفیة.

الساعة كانت السابعة صباحًا والإتصال في حد ذاته غریب وغير متوقع، خصوصًا إن من بعد جواز مروة من كسّاب وكلّ إللي حصل قبل كده والعلاقة بیننا مش أحسن حاجة برغم إنني إعتذرتها ودفعت تمن غلطتي، لكن مفیش حاجة رجعت زي زمان.

نادر: أيوة يا مروة صباح الخير

مروة: صباح الخير يا نادر، آسفة لو بتصل بيك في وقت غير مُناسب،
بس أنا قولت تلاقيك في شُغلك دلوقتي

نادر: ولا يهملك أنا كدة كدة كُنت هصحى، خير في حاجة؟

مروة: أنا عارفة إن أنت ما بقاش ليك علاقة بكسّاب، لا من قريب ولا
من بعيد، بس للأسف هو لسه حاطك في دماغه، أنا حاولت كتير أقنعه
ينسّاك لكن مفيش فايده، عوزاك تسمعني ضروري لآخر لحظة يا نادر
وما تستعجلش انك تقفل المكالمة معايا .

نادر: أنا سامعك يا مروة كملي

مروة: كسّاب ناوي يعيد القديم كله

نادر: بمعنى؟!

مروة: سنوية الوقاد الأسبوع إللي جاي كسّاب حالف يموتك يوم
سنوية أبوه

نادر: مروة أنا مش فاهم أنتي عاوزة إيه دلوقتي؟

مروة: أنا خايفة عليك وبقولك تاني أهو، كسّاب مش هيسكت

نادر: ماشي، أعمل إيه أنا دلوقتي مش فاهم؟

مروة: خاف يا نادر، ولو تقدر ما تُخرجش، ما تُخرجش ولو عاوز رأيي،
تعالى إعتذرله يمكن يسامحك

نادر: خلصتي إللي عندك يا مروة؟

مروة: لأ ما خلصتتش، واسمعي لآخر كلمة بقولها في المكالمة

نادر: ياستي حاضر، كسّاب إللي باعتك تقولي الكلام ده؟

مروة: كسّاب إيه!! بقولك هيموتك، هيبعتني أقولك إنه هيموتك؟!

نادر: خلاص يا مروة أنا فهمت، سيبيني أفكر أشوف أنا هعمل إيه

مروة: نادر المشكلة مش فيك أنت لوحده، أنا خايفة على خالتي وأمنية، أنا هقفل دلوقتي علشان سامعة صوته جاي

نادر: حاضر، مع السلامة يا مروة

- كنت لسه هقفل أفكرت جملة مروة، قررت ما قفلش وأسمع للأخر وفضلت ساكت شوية وطلع ظني في محله وسمعت حوار داير بين مروة وعدوي اللدود كساب!

مروة (باكية): إرتحت؟ أديني قولته إلي أنت عاوزه

كساب: لا ما ارتحتش، أنا مش هرتاح غير وهو راعق قدامي

مروة: ما تشيله من دماغك بقى

كساب (صارخًا): أشيل مين؟ ده قتل أبويا، قتل سيدك الوقاد

مروة: وأنت قتلت أبوه

كساب: أنتي مجنونة، بتشبهني مين بمين؟

مروة: والله إلي أعرفه إن هو شالك من دماغه تمامًا، لكن أنت إلي مش قادر تنساه ولا تبطل تفكير فيه

كساب: إلي زي نادر ده العلاقة بيني وبينه بالضبط زي القط والفار، هفضل كل مدة أظهرله وأنغص عليه حياته وأخذ منه حبايبه واحد ورا الثاني، وبعدها أسيبه فيفتكر إني نسيته أقوم طالعه زي عفريت العلبة تاني.

مروة: ممكن أفهم الهدف من مكالمتي لنادر إيه؟

كساب: نادر اليومين دول عايش في وهم إنه ناجح ومحتاج حد ينكد عليه ومكالمة زي دي تصبيرة بمسي عليه بيها لحد ما أخبط الخبطة

إلي جاية

مروة: أنا أسفة إني هقولك إن نادر ابن خالتي ناجح فعلا وبإللي أنت بتعمله ده بتثبت لي إنك أضعف منه

كساب (غاضبًا): أنا أقدر أفعضه وأسخطه في لحظة، بس حابب أقولك حاجة سيدك الوقاد كان دايمًا بيقولهاالي: إن الفرق بيني وبينه، إن أبويا كان دايمًا سريع الغضب لكن أنا شخصية استفزازية ومش من السهل جزّي لأي حاجة أنا مش عاوز أعملها «على الأقل دلوقتي»، لكن أوعدك إني لما أقرر أدمر نادر هعدي سقف توقعاته بكثير.

مروة: أنت ناوي تعمل فيه إيه؟

كساب: هتعرفي في وقتها

مروة: طب ممكن أعرف وقتها ده إمتى؟

كساب: قولتك هتعرفي في وقتها، وبعدين تعالي هنا أنتي معايا ولا معاه؟

مروة: هو أنا نطقت ولا قولت حاجة؟

كساب: خليك أفضل كده ما تنطقيش لأن إلي زيك لما بيفكر أو يتكلم الدنيا بتخرب، يلا اطلعي رتبي الناس إلي جاية علشان أعالجها، الناس قاعدة برة بقالها زمن

مروة: تحت أمرك، هاخذ تليفوني وأخرج، الخط اتقطع وأنهدت مروة المكالمة وإللي أثبتت لي.

أولاً: إن مهما حصل إحنا دم واحد

ثانيًا: إن الملعون كساب مش ناوي يسيبني في حالي أبدًا.

بس أنا مش هوقف حياتي علشان مستني إلي هيعمله، لما يبقى يقرر إنه يعمل حاجة يبقى يحلها ألف حلال.

الفصل السادس

(طبيب تشرح)

فطرت و قعدت أكفل شغلي في إنتظار رؤية ولا أي هاتف يبلغني بالخطوة الجاية، حاولت أشيل من بالي خطط كساب للإنتقام مني، إلا إن صوته فضل يتردد جوايا، وبدأت أسأل نفسي:

هل كساب يكون له يد في إللي بيحصل معايا؟!، لكني تراجعت عن الفكرة، ده كلها أموات في أموات، أنا لازم أركن التفكير في كساب على جنب دلوقتي، وبعدين هيقاله روقة لوحده، لازم دلوقتي أركز أكثر في الموضوع بتاع الأموات ده، إللي هيفتحلي باب جديد وتحقيق جديد أضمه لسلسلة التحقيقات الأخيرة إللي مبدئياً أطلقت عليها (أعوان الموت)، بس ده عنوان مبدئي وارد جدًا إنني أغيره.

حاجة قالتلي قلب في رسايل الموبايل، عملت كده فعلاً لقيت أول رسالة كالتالي:

أستاذ نادر أنا حمدي عامل تلاجة الموتى، بحاول أكلمك بقالي أكثر من ساعة وأنت مشغول، ده عنوان دكتور بيتر هو مُنتظرِك النهاردة الضهر ولو فاضي دلوقتي روحله.

حمدي!!! أنا كنت بقراً وأنا مش مصدق عينيا، بس سريعاً فوقت لنفسي، وقولت أنا لازم أكمل طريقي، لازم أعرف، هل فعلاً دول أموات، ولا أنا اتجننت ولا إيه؟!..

مفيش زُيع ساعة وكُنت وصلت العنوان خصوصاً إنه في وسط البلد جنبي، عمارة قديمة مكونة من ست أدوار، الدور عبارة عن شقة وهو ساكن في الدور الرابع، خببطت فتحلي واحد في أوائل الستينات يتمتع بجسم إلى حد ما رياضي مرسوم على وشه ابتسامة ترحاب وقالني: أستاذ ناجي صح؟

نادر: لأ يا فندم نادر، نادر فودة

دكتور بيتر: أنا أسف بس حمدي إللي قالي كده

نادر: يعني حمدي ده مش ميت زي ما عمار قالي؟

دكتور بيتر: هو حضرتك بتقول إيه؟، وعمار مين؟

نادر (بإحراج): لا، لا، ولا حاجة، متاخذتش في بالك.

دخلنا بيت دكتور بيتر وطلب مني أستناه دقايق، وبعدها رجع معاه
كوبايتين حاجة ساقعة

دكتور بيتر: على حسب ما فهمت من حمدي أنت عاوز تسمع مني أكثر
مواقف مُرعبة حصلت لي في أثناء عملي كطبيب.

نادر: أكون شاكر ليك جدًا يا دكتور

دكتور بيتر: على حسب بردو ما فهمت إنك صحفي

نادر: تمام كده

دكتور بيتر: بُص أنا هحكملك موقف بعتبره من المواقف إللي ملهاش
تفسير لحد دلوقتي، الكلام ده من مُدة طويلة، استلمت جُثة وكان
مشكوك في سبب وفاتها فطبيعي كان لازم تتشرح.

لأول مرة في حياتي أحس إن في جُثة رافضة إنها تتشرح، رافضة
بكل الطرق

نادر: إزاي؟

دكتور بيتر: مبدئيًا الجُثة كانت موجودة على تراييزة التشريح وكل
ما أتلفت علشان أعمل حاجة أحس إن الجُثة بيتغير فيها حاجة، يعني
مرة الأقي دراع الجُثة اليمين نازل من على التراييزة فرجعت مكانه،
إتلفت أعمل حاجة تانية وعلى ما رجعت لقيت رجلين الجُثة مفتوحين

وبعيد عن بعض تمامًا ضميتهم لبعض بصعوبة.

أنا ماكنتش لاحق أجيب أي مشرط علشان أبدا تشريح حرفيا كل ما أتلفت لازم يحصل حاجة، والختام لقيت الجثة بتسود كلها و كأن حد دلق عليها قطران أسود، أنا كنت شايفها بتسود تدريجيًا بداية من الرجلين صعودًا لباقي الجسم، وقفت قدامها محتار مش عارف أعمل إيه، ناديت على حد من الموجودين برة وسألته أنت شايف إيه؟ فكان رده إنه شايف جثة عادية جدًا، واكتشفت إن أنا الوحيد إلهي شايف المنظر الفرع ده، عاوز أقولك إن الموضوع موقفش عند كده، بدأ خيط دم يُخرج من عينين الجثة المقفولة وينزل على ترابيزة التشريح ومنها للأرض، اضطريت أدخل الجثة تاني التلاجة لأنني حسيت إن أعصابي هتنهار من المشهد ده، وفعلاً تاني يوم شرحتها عادي جدًا وما حصلش حاجة

- في مرة حصل حاجة عمري بردو ما بنساها، كنت هشرح جثة شاب مات بطلقة طايشة في فرح يا عيني، وأنا موضوع ضرب النار في الأفراح ده بيعصبي جدًا.

حطيت الجثة على ترابيزة التشريح وجبت المشرط أقوم أسمعك صوت واحدة بتقولني: بالراحة على ياسين!

أنا تنحت وبصيت حواليا مفيش حد!

مسكت المشرط ودخلته في الجثة أقوم سامعك صوت واحدة بتعيط وبتقول:

بالراحة أرجوك ياسين بيخاف أوي من العمليات!

قولت يارب استر!

وكملت تشريح و كانت ليلة سودا

كل ما أعمل حاجة أسمعك عياط وصويت!

نادر: وكملت عادي؟

دكتور بيتر: أه لأن ده شغلي والحالات دي حصلت كتير ومش كل ما هسمع حاجة هسيب شغلي وأخزج.

ده أنت فكرتني في مرة وأنا في الكلية في معمل التشريح، كانت جثة متغطية وهنشرحها أنا وزمايلي ولسه بنقرب قامت الجثة متحركة والميت قام قعد والملاية مغطياه!

كل البنات الثلاثة وقعوا من طولهم وإثنين دكاترة زمايلي طلعا يجروا ووقعوا كل حاجة في طريقهم..

دكتور المادة اترمي على أقرب كرسي، أنا فضلت فاتح بوقي وساكت!

الجثة بدأت تتنفض وتشيل الملاية من عليها بطاء شديد لحد ما وقعت من عليها، إذ بينا نلاقي دكتور ماجد زميلنا عامل فينا مقلب، ماقولكش على الضرب إللي كله يومها من الكل.

وقالنا: المقلب ده حاجة كده زي منهج الكلية كل سنة لازم الدكاترة يعملوه في بعض!

سيبك من الموقف إللي فات وهحكيلك على حاجة معنديش تفسير ليها.

بطبيعة الحال بيعت لمعمل الطب الشرعي عينات علشان يطلع التقرير النهائي بتاعه، شرحت جثة واحدة بست في الخمسينات من عمرها وبعثت بالفعل العينات ولقيت دكتور أحمد من المعمل بيكلمني وبيقولي:

دكتور بيتر هو إيه العينات إللي حضرتك باعتهاالي دي؟!

دكتور بيتر: عينات إيه؟ إيه الجديد ما زي كل مرة.

دكتور أحمد: لأ مش زي كل مرة، حضرتك متأكد إنك إللي صاحب

العينات دي؟

دكتور بيتر: أيوة طبغًا يا دكتور أحمد، هو في إيه؟

دكتور أحمد: العينات والأنسجة دي لكائن عمري ما شوفته قبل كده، في حاجة يا دكتور بيتر غربية في الموضوع ثلاثة أجهزة ميكروسكوب اتحرقوا، و جهازين فضلت نتايجهم كلهم بايظة والأغرب من كده إني كل ما أبص على عينة وأركز معاها علشان أعرف دي إيه، يجيلي ضداع رهيب و يروح بمجرد ما أشيل عيني من على العينات وأخرها من شوية سمعت خبط شديد جدًا جاي من برة المعمل، طلعت بسرعة أشوف في إيه مالقيتش في حاجة، أنا هبعث لحضرتك تقرير وقفل بيه الموضوع ده خلي الجثة دي تمشي من عندك أنا مش مرتاح، الموضوع كله غريب، سلام.

نادر: ممكن توصلني بدكتور أحمد اسمع منه تفاصيل أكثر؟

دكتور بيتر: الحقيقة كنت أتمنى لكن للأسف دكتور أحمد اتوفى بعد المكالمة دي بيومين في ظروف غامضة جدًا، تقدر تقول شاب صحته كويسة جدًا ما عندهوش أي أمراض يموت فجأة بعد تحليله لعينة مريبة، أنا نفسي شكيت و طلبت إن دكتور أحمد جثته تتشرح لكن للأسف مانفعش

نادر: مانفعش ليه؟

دكتور بيتر: اتقال كلام كثير، اتقال إن أهله جُم وأخذوا الجثة ورفضوا إن حد يقرب منها، واتقال إن الجثة أصلاً اختفت بعد الوفاة بساعتين، واتقال إن دكتور أحمد فقد بصره بسبب انفجار عدسة ميكروسكوب في وشه وإنه انتحر بعدها، الشاهد إن حصل تكتم شديد على الموضوع وللأمانة ما حاولتش أدور علشان مايكونش مصيري نفس مصيره، أنا بدعي دايفًا ربنا يرحمه ويعزي أهله، صدقني أنا من وقتها كنت جديًا بفكر اني استقيل

نادر: خير، كان نفسي أكفل التحقيق مع طبيب تاني

دكتور بيتر: تحب أبعثك لدكتور رعاية؟

نادر: وده هيفيد في التحقيق بتاعي؟

دكتور بيتر: طبعا، دكاترة الرعاية بيشهدوا اللحظات الأخيرة للمريض قبل وفاته وصدقني اللحظات دي فيها كلام كتير جدا يتقال.

نادر: موافق جدا، تبعطني لمين؟

دكتور بيتر: سامح ابن أختي هيكيلك ومش هيخبي، هيكون متطمئن
علشان أنا إللي باعتك له

نادر: طيب هتكلمه؟

دكتور بيتر: حالا هكلمه

طلع دكتور بيتر موبايله وأجرى المكالمة التالية:

- الو..

- أيوة يا سامح يا حبيبي

- وانت كمان، ماما عاملة إيه؟

- نُشكر ربنا يا حبيبي

- ده أنتوا تنوروا

- بقولك إيه يا سامح، في واحد صديق ليا اسمه أستاذ نادر شغال
صحفي و بيعمل تحقيق في الجورنال عنده عن أغرب حالات الوفيات،
سجل معايا وكان بيستأذني أوصله لحد في الرعاية وأنا مالقيتش
أحسن منك يا حبيبي، عندك مانع إني أبعثهولك؟

- لا يا حبيبي مش هنذكر أسماء مرضى ولا حاجة

- لا دي اه براحتك يكتب اسمك أو مايكتبوش دي براحتك

- لا إنسان كويس جدًا

- ماتلقش لو رfdوك خالك هيتصرف

- عيب يا واد إحنا بيفرق معانا معاش من غيره

- قولي أنت فين النهاردة

- تمام.. تمام.. ده العشم يا حبيبي

- خلاص هقوله، تعيش يا حبيبي

- أشوفك على خير، سلامي لماما

- مع ألف سلامة

أنهى دكتور بيتر المكالمة وقال: تمام

دكتور سامح موافق، هكتبك العنوان أهو بتاع البيت علشان هو

أجازة النهاردة ورقم تليفونه احتياطي

نادر: أقدر أروحله على الساعة كام كده؟

دكتور بيتر: حالا، اطلع من عندي روحله، هو ساكن في ١٥ مايو يادوب

تتحرك دلوقتي

- شكرت دكتور بيتر، وفعلا نطيت في أول تاكسي قابلني.

رايح أكمل التحقيق مع عنصر مساعد جديد من (أعوان الموت).

الفصل السابع

(أحمد يونس)

أول ما اتحركت بالعربية لقيت السواق بيقول المشوار ده هيبقى
طويل ما ينفعش فيه أغاني، الوحيد إللي ينفع في الطريق ده هو أحمد

يونس، ولقيته شغل حاجة زي فيلم إذاعي لفذيع شاب قايم بدور الراوي، خطفني الحقيقة لأسلوب سرده السلس وصوته إللي بيقدر يلونه مع الأحداث وبرغم إنه قايم بدور الراوي وبدور كل الأبطال لكنه قادر يفزق بينهم كويس لدرجة خليتني أصدق إن في خمس شخصيات بيتكلموا مع بعض، طلعت جهاز التسجيل بتاعي وبدأت أسجل إللي بسمعه كان بيقول: **Telegram:@alanbyawardmsr**

إتفزعت على صوت الباب بيخبط، خدت نفسي وأنا قلبي هيقف وعمال ينبض بسرعة من الخوف، رocht للباب عشان أفتح وأشوف مين، ولما فتحت مالقيتش حد!! مالقيتش شخص، لقيت القطة قاعدة على الأرض وجنبها جواب!!!!

رجعت خطوتين لورا وأنا رجليا مش شايلاني وحاسس إنني بحلم، فجأة القطة بصت لي بصة غريبة ومشيت!!

- قطع تركيزي مع القصة صوت السواق:

السائق: دي قصة ناني يا أستاذ ده أنا سمعتها يجي 12 مرة

نادر: هو أنا بس عندي سؤال الساعة دلوقتي حوالي واحدة الضهر، راديو إيه إللي بيشغل زعب الضهر ده؟

السائق: لأ أصل محسوبك ذكي، بسجل القصة بالليل وأفضل أشغل فيها وأسمعها علشان لو فاتني منها حاجة أقدر أفهمها.

نادر: اسم الفذيع ده مش غريب عليا، حد قالي عنه حاجة أو سمعت منه حاجة بس مش فاكر، حتى صوته حاسس إنني سمعته قبل كده

السائق: جرب تسمعه مرة وهتدمنه، البرنامج بتاعه بيجي بالليل على
ال Fm

اسمه ع القهوة والزعب يوم واحد في الأسبوع.

نادر: طب وباقي الأيام؟

السائق: حاجات تانية، مرة أخبار، مرة أغاني قديمة، مرة مُسابقات،
بس الصراحة أنا أكثر حاجة بتضطبط لي دماغي هو الزُعب، مش أنا
لوحدني على فكرة كل السواقين زمايلي على كدة

نادر: خلاص أوعدك هبدأ أسمع

السائق: ماتعرفناش بالكريم؟

نادر: نادر فودة

السائق: وأنا أخوك عبدالرحمن، لو عندك مشوار ثابت في نفس الميعاد
كل يوم ممكن أوديك

نادر: لا والله أنا شغلي جنب البيت، ممكن تشغل بقى باقي الحكاية
عايز أسمعها

السائق: لأ سيبك من دي، دي مش حلوة، أنا عندي قصص تانية أحسن
منها مليون مرة

نادر: مش حلوة و سمعتها ١٢ مرة!!

السائق (ضاحكاً): عندك حق هي حلوة، بس أنا يعني عايز أسمعك
حاجات كتير يعني خُد عندك قصة طب ما تقوله

نادر: أقوله إيه؟

السائق (ضاحكاً): لأ هي اسمها كده

نادر: لأ أنا هكمل القصة بتاعت ناني أحسن

السائق: طب ما تسيبك منه وأسمعك البيت دي أحسن من أي حد
بقى، و لا أقولك تسمع حلیم؟

أنا عندي شريط كوكتيل اشتريته من إسكندرية الصيف إلی فات
الأغاني لازقة في بعض، الأغنية تكون لسه هتخلص تقوم داخله أغنية
تانية بشياكة، ما تلاقيش الحاجات دي عند أي حد يا أستاذ نادر،

بقولك إيه؟

نادر (ضاحكاً): قول

السائق: سمعت أغنية على إيلي جرى بتاعت أصالة وصابر الرباعي؟

نادر (بصوت عالي): مالها؟

السائق: سيبك من الأغنية دي، بيقولك أصالة لما طلعت تغني كانت الأغنية متضطبطة على صوت صابر وقامت أصالة لما طلعت تغني أنت عارف طبعا إن أصالة صوتها عالي وبقي صابر يغني في حنة وأصالة تغني في حنة تانية والأغنية طلعت وحشة أوي، بس علشان أنا بحب أصالة وصابر الرباعي لازم أسمعها كل يوم.

نادر (ضاحكاً): طبعا لازم علشان ما ياخدوش على خاطرهم، أنت بتجيب المعلومات دي مين بقى ياسطى عبدالرحمن؟

السائق: من قناة مولدي

نادر: وقناة مولدي بقى قالتك إيه تاني؟

السائق: بيقولك إن نوال الزوغبي ووائل كافوري كان المفروض هيتجوزوا بعد أغنية مين حبيبي أنا، بس ماحصلش نصيب

نادر (انهار ضاحكاً): تلاقيهم اختلفوا على القائمة

السائق: إيه ده؟ هي تونس فيها قائمة زينا؟

نادر: هما لبنانيين على فكرة

السائق: اسكت ما تفكرنيش بموضوع القائمة ده، أنا لما جيت أطلق بنت الناس الكويسيين قلعتني هدومي وبيعتني الجلد والسقط منها لله خلتنى أمشي أكلم نفسي في الشارع

نادر: معلىش هم الستات كلهم كده، ادعي عليهم وأنت بتصلي

السائق: لا ماقدرش أصل إحنا رجعنا لبعض

نادر: هي ١٥ مايو قرّبت؟

السائق: يادوب إحنا في ١٣ مايو

نادر: لأ كده كتير أوي بقى

السائق: شكلك زهقت

نادر: مازهقتش ولا حاجة

السائق: أنت تعرف إن أحمد يونس ده...

نادر: أحمد يونس مين؟

السائق: ياعم بتاع الرّعب إللي كنت لسه بتسمعه من شوية

نادر: ماله؟

السائق: وحيد أمه وأبوه

نادر: ربنا يخليه ليهم

السائق: بس ليه أربع إخوات

نادر: ألف مبروك

السائق: هفهمك، بيقولك أبوه خلف أربع عيال وقعد عشرين سنة ما

بيخلفش وبعدها خلف

نادر: وده عرفته بردو من قناة مولدي؟

السائق: لأ، من زكريا

نادر: زكريا مين؟

السائق: زميلي طبعا هيكون مين يعني

نادر: و زكريا عرف منين؟

السائق: ابن عم زكريا شغال في مبنى الإذاعة والتلفزيون وأنت فاهم
بقي مفيش حاجة بتستخبي يا أستاذ نادر، ده بيقولك إنه أصلاً
سعودي، تعرف أنا عرفت ده إزاي بقي؟

نادر: إزاي ياعم عبدو؟

السائق: أصله بياخد أجازات كتير وبيطلع يعمل غمرة أو ممكن
مايكونش سعودي ولا حاجة ويكون غني ما أنت عارف بقي بتوع
التلفزيون والممثلين على قلبهم فلوس قد كده، هو أنت بتشتغل إيه؟

نادر: على قلبي فلوس قد كده، صحفي فضلة خيرك

السائق: أيوة ياعم ما أنتوا واكليتها والعة، بالله عليك لما تقابل أحمد
يونس قوله إن كل التكاسي بتسمعك وعايزينك تزود الرعب تخليه
يومين مش يوم واحد و تقوله إن عبدالرحمن متابعتك هو ومراته
وعياله وعايزة يعملي إهداء بأغنية التلميذ و الأستاذ للفنان رمضان
البرنس و يهديها للواطي زكريا.

نادر: عم عبدالرحمن أنا تعبت ممكن تكفل القصة؟

السائق: لأ مش هينفع أصل إحنا وصلنا، شايف المدخل إلكي كله شجر
ده؟ ده مدخل ١٥ مايو، أنت نازل أي مجاورة بقي؟

نادر: مجاورة ٧

السائق: مُتأكد؟

نادر: والمصحف أه

السائق: أصل ممكن يكون سمعت غلط وتكون نازل أطلس ولا أي
مجاورة تانية، على العموم خلص مشوارك وأنا قاعد مستنيك

نادر: للأسف أنا هبات هنا ياعم عبدالرحمن

السائق: هتبات عند حد أول مرة تزوره؟ ما يصحش كده الناس
يقولوا عليك إيه؟ كل بيت له حرمة يا بني

نادر: اركن على جنب ياعم عبدالرحمن، أنا هنزل هنا، الحساب كام؟

السائق: إللي تدفعه ولو مش عاوز تدفع خالص ولا يهملك، ده أنت أول
واحد تسييني أحكي إللي عندي كله من غير ما يقاطعني.

نادر: معلش الحساب كام ياعم عبدالرحمن؟

السائق: في العادي هاخذ ٢٠ جنية إنما منك ١٠ جنية كفاية أوي.

نزلت من العربية وعندي كمية ضداع ممزوجة بابتسامة عريضة من
رغي عم عبد الرحمن الراجل الطيب المصري أبو دم خفيف إللي قدر
يخرجني من التوتر وشدة الأعصاب إللي كنت فيها.

وبسؤال شخص والثاني عرفت عنوان دكتور سامح وتوجهت له.

الفصل الثامن

(غرفة الرعاية)

تليفوني رن..

نادر: ألو

المتصل: أستاذ نادر معايا؟

نادر: أيوة يافندم مين حضرتك؟

المتصل: أنا دكتور سامح إللي حضرتك جايلي

نادر: أنا تحت العمارة

دكتور سامح: هستأذنك في آخر الشارع هتلاقي كوفي شوب اسمه

بلاك تايجر، بستأذنك تستناني هناك وأنا هلبس وأجي لحضرتك

نادر: حاضر هستناك هناك

توجهت للكوفي شوب، قعدت وطلبت عصير البرتقال رفيقي في ليالي الصيف الحارة وليالي الشتاء الباردة، فتحت شنطتي وبدأت أرتب ورقي لحد ما دكتور سامح يوصل، بعد أقل من عشر دقائق دخل شاب في أوائل الثلاثينات من عمره لابس نضارة طبية وسألني حضرتك أستاذ نادر؟

فجاوبته أيوة، شد الكرسي و قعد وبدأنا حوارنا...

دكتور سامح: أنا بعذر ليك إني ماقدرتش أطلعك البيت عندي، المدام لسه مخلفة وماكناش هنعرف نقول كلمتين بسبب صوت ريمون ابني

نادر: حمد لله على سلامتها وربنا يخلي

دكتور سامح: أستاذك قبل أي حاجة إني هسجل زي ما سجلت الحوار مع دكتور بيتر

دكتور سامح: بس إللي أنا فهمته إن الحوار هينزل في الجورنال مش هيتسجل

نادر: التسجيل ده علشان أختصر الوقت بدل ما أقعد أكتب وراك كل كلمة وأعطلك يعني تقدر تقول إنه مجرد مرجع ليا

دكتور سامح: تمام فهمت، ممكن أعرف اسم الجورنال إيه علشان أبقى أشتري العدد

نادر: الجورنال اسمه غمق الحدث، الباب إللي بكتب فيه اسمه ما وراء الطبيعة ولو تسمحلي أنا هبعث لحضرتك كذا عدد هدية وقت نزول التقرير

دكتور سامح: مُتشكر جدًا يا أستاذ نادر، قولي تحب أبداً مين؟

نادر: أنا هنا مُستمع، حضرتك أبدأ من مكان ما تحب وأنا لو عندي سؤال هسأله

دكتور سامح: أنت بتصعب عليا كده الموضوع، بس خليني أفكر إيه أحسن حاجة أبدأ معاك بيها

نادر: للدرجادي هم كثير؟

دكتور سامح: عُرفة الرعاية من أكثر الأماكن إللي بيحصل فيها عجائب وبنقف قدامها مش لاقيين تفسير.

نادر: غالبًا حضرتك فهمت غلط، أنا مش عاوز كلام طبي

دكتور سامح (مقاطعا): لأ أنا فاهم، أنت عاوز حاجات غريبة ومُخيفة صح كدة؟

نادر: الله ينور عليك

دكتور سامح: هتصدقني لو قولتلك إن المرضى في الغيبوبة بيكلموا بعض؟

نادر: يعني إيه؟

دكتور سامح: كذا مرة نسمع مريض في غيبوبة بيتكلم كلام واضح ومفهوم جدًا ودي ما بتكونش الصدمة، الصدمة لما تلاقي مريض تاني في غيبوبة بردو يزد عليه وبيتكلم في نفس الموضوع، يعني مثلاً الشهر إللي فات كان في عندنا مريض في غيبوبة كبدية اسمه الحاج مُحسن خليني أقولك إن مريض الغيبوبة الكبدية ممكن يزعق ويشتم بدون وعي.

الحاج مُحسن كان إللي على لسانه ماتقلعونيش هدومي يا ولاد الكلب، وكل ما يفوق لثواني بسيطة أدخل أقوله محدش قلحك هدومك وإحنا مغطيينك كمان أهو، بعدها يدخل في الغيبوبة تاني ويرجع يقول نفس الجملة « ماتقلعونيش هدومي يا ولاد الكلب ».

معرفش إلی هقولهولك ده كومیدی ولا مُرعب، مریضة تانیة فی
غیبوبة تامة كان اسمها سیت سامیة زعقت وهی فی الغیبوبة وقالت یا
دكتور رفیق رجعوا للراجل هدومه بدل ما ربنا ینتقم منكوا.

حابب بس أعرفك إن السیت سامیة دخلت عندنا و هی عندها غیبوبة
أصلاً و ما فاقتش ولو لدقیقة واحدة و قبل ما تسألني آیوة رئیس
قسم الرعاية اسمه دكتور رفیق، أنا اتجننت لما سمعتها ونزلت
للاستقبال و قولتلهم اقبلوا لی الدنيا بإسم سامیة عبدالرازق وهدان
دخلت هنا قبل كده و لا لأ، قولت یمكن تكون جت قبل كده واسم
الدكتور رفیق متخزن فی الذاكرة عندها ولكن دی كانت اول مرة تُدخل
عندنا المستشفى، أنا ماقدرتش أسكت لما ابناها جه يزورها حكیتله إلی
حصل فقالي:

أنا مش مستغرب إلی حضرتك بتقوله، كل مرة ماما بیجیلها غیبوبة
لازم تتكلم عن ناس ما تعرفهمش وتحكي عن حاجات هتحصل وبالفعل
بتحصل، ركز معاها لأنها هتتكلم تانی.

عدی یوم وإثنين و رجع عم مُحسن یشتم تانی، لقیتهك المریضة
سامیة بتزد بصوت عالی: أنت عارف یا رفیق لو ما رجعتلوش هدومه
ابنك هیسقط فی الثانویة السنة دی.

عارف دكتور رفیق عمل إیه؟

بعث لأبن عم مُحسن جابله طقم من البیت وحطهوله جنبه علی
السریر، عم مُحسن مات بعدها بساعة.

أما السیت سامیة فضلت تنادي علی عم مُحسن وتقوله:

مش اتفقنا هنمشي سوا، مش قولتلك تعرفني وأنت ماشي، أنا
هحصلك بكرة مع أذان الفجر.

عاوز أقولك إن حرفيًا مع أذان الفجر كل أجهزة السیت سامیة توقفت

عن العمل وكأنها وعدت ونفذت.

دي أول حكاية تحب تسمع ثاني؟

نادر: ياريت

دكتور سامح: موقف كوميدي و غريب عمري ما بنسأه، الحاج ناصر كان محجوز عندنا في الرعاية كان كل شوية ينادي يقول: هاتولي سيجارة علشان هموت، طبعا إحنا دورنا نطبطب و ندلع و نعامل المريض زي الطفل وخصوصاً لو كان كبير في السن، خلاني قاعد معاه ووالي: هاتلي ياد أنت سيجارة
Telegram:@alanbyawardmsr
قولته: ممنوع تدخن سجائر هنا

قالي: هات من العلبة إلكي أبوك مخبيها في رف الحمام.

- أنا كاني إتكهربت، لأن بابا فعلا مخبي علبة سجائر في الحمام وما حدش يعرف غيري لأن لو ماما عرفت مش هيحصل طيب

الحاج ناصر: مالك مستغرب كده ليه؟ تحب أقولك أنت كُنت بتهدب إيه الأسبوع إلكي فات؟

دكتور سامح: لأ شكراً

الحاج ناصر: قوم اجري يلا هاتلي سيجارة قبل ما أموت

- قولته حاضر وطلعت وقفت مع زمايلي ندردش شوية، سمعت صوت الحاج ناصر بينادي بصوت عالي أوي، روحته بسرعة لقيته واقف على السرير وبيشاورلي

وقالي: مش قولتك هاتلي سيجارة يا زفت قبل ما أموت؟

بعدها وقع مات، أيوة مات يا أستاذ نادر، الراجل كان زي الفل و كان المفروض هيتنقل لُغرفة عادية خلال ساعة أو ساعتين بالكثير لكنه مات!

تسألني مات إزاي، تسألني كان عارف إزاي إنه هيموت، كل دي حاجات بينه وبين ربنا، إللي أقدر أقوله أنا كطبيب إنه جاله سكتة قلبية.

خليني أختملك بقصة ماما هدى، ماما هدى دخلت عندنا في غيبوبة تامة و من أول ما دخلت وكان واضح جدًا إن الحالة مُنتهية وإنها مسألة وقت، ولادها كانوا ببيجوا كل يوم وعاوزين يسمعوا أي كلمة تديهم أمل، للأسف إحنا بيبقى موقفنا صعب جدًا في المواقف دي لأننا مش هينفع ندي أمل زائف، فدايمًا بيكون ردنا إن إحنا بنعمل إللي علينا ومفيش حاجة بعيدة على ربنا وبنحكيلهم عن حالات كان مفقود فيها الأمل تمامًا وفاقت فجأة.

إبنها الكبير كُنت شارحله الوضع بُمُنتهى الوضوح علشان هو سألني وقال لي لازم نرتب نفسنا، رئيس القسم عندنا كان مُتعاطف جدًا معاهم و كان بيقف يكلمهم كتير وقال لإبنها الكبير: بالوضع إللي قدامي الحالة قدامها أقل من ٢٤ ساعة و تحصل الوفاة.

بس إللي حصل يا أستاذ نادر إن الحالة كملت ثلاثة أيام و ماحصلش وفاة، رئيس القسم قال لإبنها الكبير سؤال خلى جسمي كله يقشع..

رئيس القسم: هو في حد ماما بتحبه مسافر؟

الإبن: أه أخويا الصغير

رئيس القسم: فين؟

الإبن: دبي

رئيس القسم: ومنتظر يجي قريب؟

الإبن: طيارته هتوصل القاهرة بكرة الساعة تسعة الصبح، هو في حاجة؟

رئيس القسم: إللي هقوله لك ده ماينفعش دكتور في مكانتي يقوله لكن دي حقيقة لمستها وشوفتها بعنيا طول ثلاثين سنة شغل.

الإبن: إللي هي إيه؟

رئيس القسم: الأم بتفضل مستنية أقرب حد ليها من ولادها لو المفروض إنه جاي يشوفها وبعدها بتسلم الأمانة وتتوفى

الإبن: معقول؟!

رئيس القسم: أنا بحكيك بناءً عن سنين طويلة مريت بالموقف ده كثير جدًا.

دكتور سامح: عارف إللي حصل يا أستاذ نادر؟

الإبن وصل المطار الساعة ٩ و زرع وماما هدى إتوفت الساعة ٩ ونص.

ودي حاجة أنا شوفتها بعيني مش بحكيها على لسان حد.

نادر: حقيقي أنتوا بتشوفوا مواقف صعبة جدًا ومؤثرة جدًا وأنا مبسوط إن الناس هتقرأ وتعرف عنكم أكثر.

دكتور سامح: أنا عارف إنك كنت عاوز مواقف تخوف بس إحنا أغلب إللي بيحصل عندنا مواقف إنسانية، بس خليني أقولك إن إحنا كل ليلة بعد ما بنهدي النور قسم الرعاية بيتحول لمكان بنسميه وادي الموت، بصراحة أنا بخاف من غرفة الرعاية بالليل بس ما بقدرش أقول ده

نادر: بتخاف من إيه؟

دكتور سامح: بخاف من الهمهمات إللي بسمعها والهمس الفرعب والأصوات إللي بتهمس بإسمي والخيالات المظلمة إللي بشوفها بين السراير

- بخاف من الخبط إللي بسمعه على الباب بالليل وأنا متأكد إن مفيش حد واقف برة

- بخاف وأنا متأكد إن ملك الموت جاي يمارس مهامه

- بخاف وأنا عارف إنني عامل مساعد له في تنفيذ المهمة إللي جاي

ليها

- بخاف لما بسمع حد من المرضى وهو غايب عن الوعي بيبيكي ويقول سيبوني أرجع ولو حتى يوم، ولما أسمع مريض بيقول أنا جايلك يا أمي ولا أسمع مريضة بتقول سامحني يا أبويا و لما أسمع شابة صغيرة بتقول ولادي أمانة

- بخاف لما يبقى بتجول من سرير للتاني وبتابع الحالات بالليل وألاقيهم مفتحين عينهم وبيصولي وما بيتكلموش

- بخاف لما مريض في غيبوبة تامة ويفتح عينه وبيتسلمي

- بخاف لما أكون واقف جنب مريض في غيبوبة ويمد إيدته ويمسك إيدي ويكلبش عليها وكأنه بيقولي ماتخليهمش ياخدوني

- بخاف لما مريض يفوق من غيبوبة و يحكي لي عن كل إلهي اتعمل معاه وهو في الغيبوبة بدقة شديدة ولما أساله عرفت إزاي ده؟ يقولي: أنا كنت طاير وشايفكم وأنتوا بتعالجونني

- بتربع من الراوية المؤحدة إلهي كل مرضى الغيبوبة بيتكلموا عنها، رواية الممر المظلم إلهي في آخره ضوء بعيد وإنهم طول ما بيصوله بيكونوا مرتاحين وبيجروا ناحيته، وطول ما هما بيجروا في إيدين بتطلع من تحت الأرض و تمسك رجلهم و كيانات مظلمة بتجري وراهم في الممر ده.

تعرف إن قعدتنا النهاردة دي كنت عارف إنها هتحصل من أسبوع؟

نادر: إزاي؟

دكتور سامح: عم إسماعيل قالي في صحفي هيجيلك وهيتكلم معاك وهيكتب كلام كويس عنك

نادر: ده مريض عندك في الرعاية؟

دكتور سامح: لأ، ده مغسل عرفته بطبيعة الشغلانة، أقولك قالي إيه

كمان؟، قالي إنك هتطلب مني أوصلك بيه علشان كدة الورقة دي فيها تليفونه وعنوانه وهو مستنيك يا أستاذ نادر

توقفت عاجزاً عن الرد والتعليق، حقيقي الموت وما قبله وما بعده عالم يستحق نظرة أكثر شمولية مش مجرد نظرة خوف من سكرات الموت وأقوال متضاربة حول ما يحدث للميت في قبره

نادر: أنا بشكر الظروف إالي جمععتني بيك يا دكتور سامح

دكتور سامح: الشكر لله يا أستاذ نادر

نادر: أستاذنك وأسف إني طوّلت عليك

دكتور سامح: أنا إالي أسف إني كُنت سبب في الدموع إالي بتحاول تمنعها من أول ما بدأت كلامي، بس خليني أقولك حاجة فلسفة الموت أعمق بكثير من فقدنا لحبايبنا، طول عمري شايف الموت ما هو إلا عبور لحياة أفضل بكثير

نادر: أشكرك

تركت دكتور سامح وأنا مُحقل بمشاعر وأحاسيس كثيرة جدًا يغلب عليها إنها مشاعر إيجابية، يمكن ده ما كانش المتوقع من القعدة دي لكن إالي حصل بصراحة أفضل بكثير من أي سيناريو كُنت راسمه.

قومت مشيت وبعد ما ركبت التاكسي في طريق رجوعي للبيت، بدأت أفكر في حوارِي مع سامح، ووقفت عند حاجة مهمة خلّنتي كنت هتجنن!!، هو إسماعيل ده عرفني إزاي؟، لأنني بقيت مشهور ولا فيه حاجة تانية غريبة بتحصل؟!، لا. لا. لا، كده جنون، أنا أفكرت حاجة مهمة جداً، البرواز بتاع الغروب فوق القبور إالي شوفته لما زورت الست راضية، كان موجود عند دكتور بيتر كمان!!، والكلمات إالي ردها عليا عم حمدي، كان مكتوب منها على بليزر نحاس!!، وعلى شنطة دكتور سامح!!، لا. كده جنون بجد، أنا إزاي ما كُنتش واخد بالي من كل

ده؟، ولا أنا اتجننت ولا إيه؟!..

الفصل التاسع

(حامل أسرار الموتى)

بعد ما عقلي كان هيشنت مني، لقيت نفسي الوقت سرقني في التفكير وكنت قربت على البيت، كانت الساعة ستة مساءً، المفروض إني هطلع البيت، وأقعد أرتب إليلي كتبته وأفرغ إليلي سجلته، ما أنا لازم أعرف كل ده آخرته إيه، ولازم أكمل، والصبح هكلم عم إسماعيل المغسل.

كان قلبي بيدق بسرعة غريبة، أول مرة أحس إن إليلي بيحصل مُريب لدرجة دي، وبدأت أسأل نفسي: يا ترى بقى مين قابلته ميت ومين عايش؟، وفجأة اتفزعت على صوت تليفوني بيرن!!.

نادر: ألو.. نادر فودة مين عايزني؟

المتصل: أنت متصلتش بيا ليه؟، هو مش دكتور سامح قالك تكلمني؟

نادر بتعجب: عم إسماعيل المغسل؟!

المتصل: أيوة يا سيدي هو ولسه جايب رقمك من دكتور سامح حالا، أنت فين؟

نادر: أنا رُوحت

إسماعيل: بظل كذب وقول للسواق إليلي أنت معاه يجيبك وييجي على العنوان إليلي معاك في الورقة.

نادر: مش ممكن ناجل لبكرة؟

إسماعيل: لأ مش ممكن يا النهاردة يا مفيش

نادر: حاضر يا عم إسماعيل، اطلع ياسطى على القلعة

وصلت العنوان بعد ساعتين لف ودوخة، وعلى الساعة ثمانية وشوية
كنت قدام البيت، كان ساكن في الدور الأرضي، بيت صغير على أول
طريق آخره مقابر، مجرد ما خبطت واحد فتحلي وقال بزعيق: أنا
محبش شغل العيال الصغيرة الطايشة ده اتفقنا على ميعاد يبقى تلتزم

بیه **Telegram:@alanbyawardmsr**

نادر: ماشي ياعم إسماعيل أنا أسف

إسماعيل: أنت لسه هتأسف أدخل يلا خلينا نخلص

نادر: أنت عرفت منين إن أنا هروح للدكتور سامح

إسماعيل: عرفت، وعرفت إنك روح لنحاس وروح لمراته راضية

وروح لحمدي وروح للدكتور بيتر و لسه هتروح لناس تانية

نادر: بردو ماجاوبتنيش! كل دول ناس أنت عرفت إن أنا روحتلهم بعد

ما أنا روحتلهم ومشيت إنما على حسب كلام دكتور سامح أنت كنت

عارف إن أنا رايحله من قبلها

إسماعيل: اعفيني..

كان جوايا إحساس إنني قلبي مقبوض، عم إسماعيل ده شكله وهيئته

وطريقته كلهم عجاب، كفاية إحساسي إنني قاعد جوه قبر مش بيت،

واللي جاي على بالي، إن في الغالب بيتر وسامح أموات، حتى

إسماعيل نفسه، رغم إنني شايفه وقاعد قدامي!!

نادر: عاوزني ليه ياعم إسماعيل

إسماعيل: أنت إللي عاوزني مش أنا إللي عاوزك، ولو مش عاوز تسمع

حاجات من إللي أنا بشوفها براحتك

نادر: لأ طبعا، هو أنا هاجي المشوار ده كله على الفاضي؟ أكيد عاوز

أسمع

إسماعيل: مش هتطلع الجهاز إللي بتسجل بيه؟

نادر: حتى دي كمان عارفها؟

إسماعيل (مُتجاهلاً سؤالي): عمري ما بنسى المتوفي إللي روحت
أغسله في الزاوية، تقريبًا أنا اتضربت من مراته وبناته ضرب عمري ما
اتضربته طول عمري

نادر: ضربوك ليه؟

إسماعيل: علشان داخل أغسل أبوهم، المهم بدأت يابني الغسل
وبدأت أوضيه وفي عز ما أنا بوضيه الراجل قام متأوب و رجع قطع
تاني!

أنا بقيت واقف مش عارف أنا بيتهياي ولا دي حقيقة، أطلع أسألهم حد
كشف على أبوكم، أعشمهم ولا أكمل الغسل؟

سميت وقولت أكمل قام الراجل عطس!

قولت ما بدهاش طلعت برة و قولتلهم أبوكوا ما ماتش أبعثوا هاتوا
الدكتور بسرعة، الزغاريط ملت البيت وبعد الضرب إللي اتضربته كله
بقي يحضن فينا، مفيش عشر دقائق وكان الدكتور جه وكشف عليه
وقال الراجل ميت وشبعان موت، بقيت أحلف له إن الراجل إتاوب
وعطس قدامي.

قالي: أنا ليا إللي قدامي، أنا دكتور وده سُغلي.

تخيل بقي أنا بغسل واحد وأنا مُتأكد إنه ما ماتش وكل الشواهد إللي
حواليا بتقول إنه مات!

وأنا بلف الكفن على نصه إللي فوق وبنيمه على جنبه اليمين الراجل
قام ماسكني من كتفي اتمكنت وقومت ضاربه بالقلم قولت يمكن يفوق
ولا في فائدة.

جابوا النعش وشالوه، واحد من إللي شايلين النعش قال: الميت

اتكلم!

حصل هرج ومرج ورجعوا شالوه بالنعش تاني وراحوا بيه على الجامع،
في الوقت ده قررت إن أنا مش هسيبه وهفضل معاه.

وصلنا الثرب و أنا طول الطريق عمال أقول للناس يا جماعة الراجل
ده فيه حاجة مش مضبوطة ولا حد سأل فيا، نزلوا بيه الثربة و سمعنا
زعيق جاي منها كانوا ثلاثة إلكي بيدفنوه تحت طلع إثنين و شايلين
واحد منهم بيقلوا إنه أغمي عليه تحت، قولت في وقتها على طول
الميت كلفه، بردو محدش سمعني و قفلوا على الراجل الثربة و كله
إتشغل بالثربي إلكي أغمي عليه و مشيوا و سابوا الميت لنصيبه.

خدت تليفون واحد من الثريبة الإثنين التانيين و طلع إلكي أغمي عليه
أبوهم الثربي الكبير، و تاني يوم اتصلت بيهم أتطمئن على أبوهم رد
عليا ابنه و قالو أبويا فاق بالضبط بعد دقيقتين و قالو:

الميت حي.. الميت إلكي دفناه حي!

إحنا بلعنا على طول أهل الميت و قالوا إنك قولتلهم كده أنت كمان،
فتحوا الثربة و جت عربية الإسعاف خدته و ودوه المستشفى و كشفوا
عليه قالوا إنه توفى من ٤٨ ساعة!!!

نادر: ممكن أقابل الثربي ده؟

إسماعيل: هتقابله، بس ماتستعجلش

نادر: طب مصير الراجل إلكي مات إيه؟

إسماعيل: لما تقابل الثربي يحكيك

نادر: طب أنا دايمأ أسمع إن في حاجات على وش الميت بتشوفوها
بتقولكم إذا كانت دي سوء خاتمة و لا حسن خاتمة؟

إسماعيل: أسف دي حاجات ماينفعش أقولها، دي بالذات أمانة ولو

قولتها أبقى خاين للأمانة

- تعرف يا أستاذ نادر إن أنا ما باخدش فلوس على الشغلانة دي؟ ومش أنا لوحدي، معظم زميلي كدة.

أنا بعمل ده زكاة عن نفسي و عن عيالي وبدعي ربنا يقدرني أفهم كل رسالة الميت بيوصلهالي وأنا بغسله، وبحاول دايمًا أستره من عيون الناس حتى أقرب الناس له، ده أنا في مرة مجرد ما بدأت أغسل الميت فضل يبكي ودموعه ما بتقفش، ولاده إنهاروا خرجتهم كلهم برة وشديت الكرسي وقعدت جنب راسه أقرأ قرآن وأذكر ربنا فوق الساعة وكنت بمسح دموعه بمنديل لحد ما بظل بكاء واطرسم على وشه ابتسامة حسيت إنها ظمأنينة.

كنت في مرة دخلت أغسل واحد لقيته فاتح بوقه على الآخر ومكلبش وعنية مبرقة زي ما يكون شايف جهنم قدامه، أهله كانوا مغطيين وشه من كتر خوفهم منه، جبت طرحة قماش كبيرة من مراته و لفيتها حوالين دماغه بالطول و شديتها جامد لحد ما بوقه إتقفل وعقدتها كذا عقدة و فضلت أضغط على عينيه علشان تقفل لحد ما قفلت بعد يجي عشر دقائق لكن وأنا بغسله وبدخل المية بين صواع رجليه شوفت منظر مستحيل أنساه، عنيه فتحوا ثاني لكن كلها كانت بيضا والنني الأسود اختفى تمامًا، معرفتش أعمل حاجة غير إنني رميت ملاية على وشه لحد ما أخلص غسل و بعد ما خلصت رفعت الملاية بحذر شديد لقيت عينيه بقت كتلتين من الدم، ما كانش قدامي حاجة أعملها غير إنني أكفن على المنظر ده.

نادر: قولي يا عم إسماعيل إيه أكثر مرة ارتحت وأنت بتغسل؟

إسماعيل: هم مرتين يا بني

- مرة كنت بغسل إمام جامع، طول ما أنا بغسله ريحة الأوضة كانت جميلة جدًا وكان على وشه ابتسامة بشوشة تظمن.

نادر: و المرة الثانية؟

إسماعيل: كُنت بغسل طفل، أمه كانت مُنهارة وخرجوها برة وبمجرد ما بدأت أغسله قومت فتحت الباب وطلبت منها تَدْخل علشان تشوف إلي أنا شايفه.

نادر: كُنت شايف إيه ياعم إسماعيل؟

إسماعيل: ملاك نايم يا بني و كل شوية الضحكة تملى وشه كأنه عايش و لولا إنه ميت وشبعان موت كُنت شكيت في إنه ميت، بعد ما أمه شافت المنظر ده وقفت وشاركت في الغُسل، ده غير الحالة العامة إلي كانت في الأوضة كنت حاسس إن في زفة عريس بتستعد علشان تبتي وكُنت سامع أصوات عذبة معرفش مصدرها لكني مرتاح وسعيد جداً وأنا بسمعها.

نادر: أصوات إيه أنا مش فاهم؟ كان في كلام قدرت تميزه؟

إسماعيل: كانت حاجة كده عاملة زي أصوات العصافير وأصوات تسبيح جميلة جداً تخليك طائر، بالمناسبة والدة الطفل هي كمان سمعت، أزيدك من الشعر بيت؟ إلي شالوا نعش الطفل سمعوا الموضوع.

Telegram:@alanbyawardmsr

- تعرف إن إحنا كمفسلاتية وحنوتية و تربية برغم حزننا لوفاة أي طفل إلا إننا بنكون مبسوطين في نفس الوقت إننا شاركنا في توصيله للجنة و دايماً أقول لكل أم و لكل أب فقدوا طفل ليهم، ملأوا عنيكوا منه كويس بالنظرة الأخيرة لأن ده سبب دخولكم الجنة وإوعوا تضيعوا السبب ده علشان دُنيا طالت أم قصُرت فهي دُنيا زائلة.

نادر: طب إيه إلي عندك تاني تقولهولي؟

إسماعيل: كُنت في مرة بغُسل ميت و أنا بغسل له راسه لقيت حاجة في ودني بتقولي دُفي المية أكثر، من غير تفكير دُفيت المية فعلاً، بعدها عرفت من مراته إنه لما كان بيستحمى وهو عايش كان بيحب

يدفي الية سواء صيف أو شتا.

وفي مرة كنت بغسل أخين توأم ماتوا في حادثة، أقسم لك إنني كنت لما بغسل واحد بسمع الثاني بيعيط ولما أغسل الثاني أسمع الأولاني بيعيط.

كنت في مرة بغسل شيخ، طول ما أنا بغسله شامم ريحة حلوة جدًا طالعة من جسمه وسامع صوت قرآن بيترتل

إسماعيل: هحكلك حكاية الجثة إالي من غير راس، انتبه كويس للي هتسمعه.

- برغم إننا بنشوف كتير و قليل لكن لما بيجيلي جثة من غير راس و أعرف إنها مقطوعة بفعل فاعل، موضوعة بيبقى بيخوف، لما فتحت الجراب الكبير إالي محطوط فيه الجثة، طبعا كانت متشرحة لكن ده مايخصنيش أنا بغسلها زي أي جثة، بدأت أوضيها فجأة قام النور قطع، في الحالات إالي زي كده بيبقى معايا كشاف بشغله لحد ما حد من إالي موجودين برة المغسلة يفتحلي، طلعت الكشاف علشان أولعه إنه يشتغل أبدًا مع إنني مغير البطاريات بتاعته إمبراح، فضلت أفتح وأقفل فيه علشان يشتغل مفيش فايده، خبطته خبطتين نور وطفى، وفي اللحظة إالي نور فيها لقيت الجثة قاعدة على الترابيزة، لأ و إيه الراس موجودة!!

والكشاف اتسلط على الوش وشوفته بالضبط وكان ثبتسم ابتسامة نشفت الدم في عروقي، استعدت بالله من الشيطان الرجيم وفضلت أقول:

- ربي أعوذ بك من همزات الشياطين وأعوذ بك ربي أن يحضرون.

وقفت في الضلمة بطولي لا عارف أروح ناحية الباب و لا عارف أناادي على حد، عارف أنت لما تقعد شوية في الضلمة وعنيك تاخذ عليها بتبدأ تشوف في الضلمة، أنا شوفت بالضبط إالي هقولهولك..

الجثة نزلت من على المغسلة وشدت كفن من الموجودي على التراييزة و لبسته زي ما يكون عباية، تقدر تقول بقى شكلها عامل زي العفاريت إللي بتشوفهم في أفلام الرعب حرفيًا أنا رجليا مابقتش قادرة تشيلني وشوفت الميت بيلف ببطء في الأوضة ويقف في كل ركن شوية لحد ما قرب عند الركن إللي أنا واقف فيه وأنا مفيش في أيدي حاجة أعملها غير إني بدعي وبستغفر ربنا، فضل يقرب ببطء مني ومع كل خطوة يقربها روعي بتتسحب مني لحد ما بقى واقف في وشي حسيت بيرد رهيب خارج من جسمه، مديت أيديا بالراحة جدًا و قربتها منه علشان أتأكد في حاجة قدامي ولا لا، لمست بإيدي الكفن وفي نفس اللحظة الكشاف نور في أيدي الثانية فرفعته ببطء وجسمي كله بيتنفض و سلطته على وشه، شوفت وش مخيف ونظرات غضب و دم بينزل من مكان الدبح.

هي صرخة واحدة خرجت من الجثة أنهت كل حاجة وإتطفى الكشاف واختفت الجثة وساد الظلام من جديد ولقيت إيد بتخبطني على وشي، بصيت لقيتني واقع على الأرض وجنبي الكشاف متكسر وواحد من العاملين في المستشفى بيقولني: مالك ياعم إسماعيل في إيه؟ أنا أول ما الكهربا قطعت دخلت بسرعة لقيتك واقع على الأرض مغمي عليك، مفيش دقيقة والكهربا جت وقعدت أفوق فيك.

قومت يا أستاذ نادر بصيت بسرعة على الجثة لقيتها في مكانها والكفن في مكانه زي ما هو لكنه غرقان دم، هل ده معناه إن إللي شوفته حصل؟ الله أعلم.

لما خرجت طلبت من ابن المتوفي يوريني صورة أبوة، كانت نفس الملامح إللي شوفتها جوا في المغسلة، و حاجات كتير بقى يا أستاذ نادر يكفي إن أنا أقولك إن المُغسل هو حامل أسرار الجثة وزي ما قولتك من شوية هي أمانة، تعرف إن أنا لما جيت أغسل أبويا هو إللي كفن نفسه؟

نادر: إزاي؟

إسماعيل: والله زي ما بقولك كده، كنت بغسله في بيته وكانت حالتي وحشة جدًا، بعد ما غسلته خرجت أغسل وشي من كتر العياط، رجعت لقيته متكفن وعلى وشه ابتسامة غمري ما شوفتها في حياتي.

نادر: وعملت إيه؟

إسماعيل: بقولك الراجل كفن نفسه، عايزني أمد إيدي تاني بعد كده؟

نادر: عندك حق، ده الساعة بقت ١٢ يادوب أمشي

إسماعيل: مش هتاخد رقم سند؟

نادر: سند مين؟

إسماعيل: التزبي يا أستاذ

نادر: أه، أه صح

إسماعيل: أدي الورقة فيها العنوان بتاعه وتليفون البقال إالي تحت بيته

نادر: طب أقوله إيه لما أكلمه؟

إسماعيل: ما تقولش حاجة وما تروحلوش الليلة دي، بكرة الساعة ٩ بالليل تكون عنده أكون وصلته وفهمته كل حاجة

نادر: يعني دلوقتي أقدر أروح؟

إسماعيل: أنت لازم تروح علشان ليلتك بكرة هتكون أطول ليلة وهتعوز تكون فايق جدًا طول ما أنت قاعد مع سند وتكون مركز في كل كلمة هيقولها لك

نادر: أنا مُتشكر جدًا يا عم إسماعيل، حضرتك تؤمرني بأي حاجة؟

إسماعيل: لا يا بني الأمر لله، ما تنسانيش في عديدين زي إالي هتبعثهم

نادر: هو قالك دي كمان؟

إسماعيل: يا بني أنا محدش بيقلولي حاجة، ربك مسخر إلي يبلغني بكل حاجة

نادر: طب ما تقولي إيه إلي هيحصل مع سند الثربي؟

إسماعيل: علم الغيب عنده وحده، بس ما تنساش ترتاح كويس النهاردة زي ما قولتك علشان الليلة بكرة طويلة أوي، اتفضل مع ألف سلامة.

الفصل العاشر

(كيان مجهول)

وَدَعْتُ عم إسماعيل وخرجت وعندي مزيج جديد من المشاعر بيغلب عليها الترقب والقلق من لقائي بسند الثربي خصوصًا إن ليا صولات وجولات مع المقابر وإلي مش فاكر يقدر يرجع للروايات إلي فاتت وخصوصًا (رواية كساب).

كساب!!، هل ليه علاقة بكل ده وعمايز يرجعني المقابر تاني؟، هل كل اللي بيحصل ده من أفعاله الشيطانية؟، أنا إزاي مباحدش بالي غير لما بمشي!!، كان مكتوب جزء من الكلمات على مدخل بيت عم إسماعيل!!، الكلمة المشتركة اللي شفتها عند الكل وهي (silpa)!!، معرفش ليه أنا المرة دي قلقان كده!

وصلت البيت والساعة كانت واحدة بعد نص الليل، دخلت الحمام أخذت دُش دافي كُنت في أمس الحاجة ليه علشان محتاج أنزل من على جسمي تعب وإرهاق الكام يوم إلي فاتوا، وقفت تحت المية الدافية، مر وقت قد إيه معرفش، فوقت كان الحمام مش باين من كُتر

بُخار المية إللي مالیه، حسیت بحركة حوالیا ماشوفتش حاجة مُحددة
لكني شايف كيان تفاصيله مُبهمة بيتحرك في البخار، بعدها سمعت
صوت أشبه بفحيح التعابين جاي من أكثر من اتجاه، بقيت أبص
بسرعة كل ما أسمع الصوت أشوف الكيان ده بيتحرك بسرعة خاطفة
جدا، مدیت رجلي علشان أخرج من البانيو، حاجة زقتني بمُنتهى العُنف
خبطتني في الحیطة إللي ورايا في دماغی، بدأت الدنيا تلف بیا، كُنت
بحاول جاهدا إني ما فقدش الوعي، وشوفت الكيان المجهول واقف
عند مرایة الحمام، بعدها حسیت بسائل نازل من دماغی على رقبتی، ما
احتاجتش كتیر علشان أعرف إن ده دم لأنی شوفت الأرض تحت رجلیا
الدم بینقط علیها، ما حسیتش بنفسی غیر وأنا بقع على الأرض.

معرفش مر علیا قد إیه وأنا فاقد الوعي، لما فوقت تحاملت على
نفسی وقومت بصعوبة خرجت برة البانيو ووقفت أبص للمرایا إللي
مكتوب علیها بالدم..

- لم ينته الدرس يا غبي

- أوليس القبر ببعيدا!

جُملتین مش محتاج أفكر كتیر علشان أفهم مین وراهم و أكید كلکم
فهمتوا، مروة كان عندها حق، وإحساسی وحدسی، كل حاجة بتأكد إن
الملعون كساب أرسل أحد جنوده علشان يبث فيا الرُعب ويعطلني عن
تكملة مشواری ونجاحی.

فتحت حنفيه البانيو علشان أنضف مكان الدم وغسلت المرایا وغسلت
راسی مكان الجرح وروحت أوضتي إترمیت على السریر، بصیت في
الموبايل كانت الساعة خمسة الفجر.

ونمت، نمت علشان زي ما عم إسماعيل قالي وراك ليلة طويلة معرفش
هل كان يقصد إللي حصلي في الحمام ولا يقصد حاجات لسه
هتحصلي الليلة دي عند سند الثربي، كلها ساعات وكل حاجة هتبان.

الفصل الحادي عشر

(الذراع الأخير)

صوت من بعيد بينادي عليا.

صوت عارفه كويس بس مش قادر أميز هو صوت مين.

صوت كأنه جاي من العالم الآخر.

صوت مليان ذكريات وحنين خدني معاه لبيتنا القديم وأنا طفل صغير
بلعب بالعجلة أم سنادات قدام البيت مستني صوت أمي في أي وقت
وهي بتقولي: بابا جه يا نادر اطلع علشان نتغدى سوا، ويبجي بصوته
يقولي: يلا يا حبيبي علشان ناكل سوا أنت عارف إنني ما بحبش أتغدى
من غيرك.

صوت دافي كان بيحتضني ومجرد ما أسمعاه أحس بالأمان.

صوت (مصطفى عبد الرحيم فودة)

أبويا إللي من بعد ما سابني كل حاجة اتعرت

الضهر، المستقبل، الحاضر والأمان.

صوت بيقولي: اصحى يا نادر وراك شغل كتير يا بني.

- صحيت بفنتهى الهدوء والسعادة وصوت أبويا العذب لسه بيتردد
في وداني.

- صحيت ولقيت دموعي مفرقة المخدة، سفوها دموع الفقد، سفوها
دموع الحنين لأبويا، سفوها دموع الفرحة بسماع صوته بعد سنين من
غيابه.

يمكن من المرات القليلة إللي أبدأ فيها يومي بالمشاعر الجميلة دي،
بصيت في الساعة كانت سبعة بالليل، نمت كتير جدًا ويادوب أقوم

Telegram:@alanbyawardmsr

أبس وأنزل أروح لسند الثربي.

لبست و طلعت الورقة إلی إدهالي عم إسماعیل واتصلت بالرقم المكتوب ولو تفتكروا هو كان قايلى إن ده رقم البقال إلی تحت بيت سند.

نادر: سلامو علیکوا، ممکن اکلم عم سند إلی ساکن فی الحارة هنا؟

البقال: حاضر یابني، أقوله مین؟

نادر: قوله نادر فودة الصحفي إلی من طرف عم إسماعیل

البقال: طب هتستنی شوية ولا ترجع تتصل تاني؟

نادر: لا هتستنی

البقال: طیب، اطلع یا واد نادي لعمك سند من فوق

قوله فی تليفون جايلك من واحد

اسمه.. اسمه.. نادر ولا معرفش إيه من طرف الحاج إسماعیل.

فضلت مستني على التليفون أسمع حوارات وجمل متداخلة من زباين البقال من عينة:

- رُبع كيلو بسطرمة یاعم مُخلص

- حسابك یقل أوي یا أستاذ مُنصف

- صوت بست بتقول جبت أكياس الفیر أند لافلي یاعم مُخلص؟

- یابنتي ما أنا مش عارف ده للقشرة ولا إيه بالضبط

- یاعم مُخلص ده کریم تفتیح أقسم بالله کریم تفتیح، هتجيبه ولا

أروح للصيدلية إلی فی أول الشارع؟

- طب أصبري هسالك علیه تاني النهاردة

- الحلاوة بتاعت المرة إيلي فاتت ماكنتش حلوة زي كل مرة ياعم مُخلص

- جبت الجبنة البريزيدووووون ياعم مُخلص؟

- هو أنا أقدر ما أجيش طلباتك

- عاوزة كوز لانشون صلاح وعبد الفتاح

- ألف سلامة ياعم مُخلص.

«وفي وسط كل ده،

- ألو، مين معايا؟

نادر: أنا نادر ياعم سند بكلم حضرتك من طرف عم إسماعيل
والمفروض يكون قالك إني جايلك

سند: أه، أه قالي يا بني تشرف وتأنس، هتيجي إمتي؟

نادر: أنا لابس يادوب هنزل وهجيك على طول

سند: قدامك حوالي قد إيه كده؟

نادر: مسافة السكة من عندي لعندك حوالي ساعة

سند: لأ ساعة إيه، خرينا يوم تاني أنا عندي شغل دلوقتي

نادر: طب بكرة مُناسب ليك؟

سند: بكرة أنا مسافر البلد أزور الحاجة

نادر: طب و العمل؟ أنا محتاج أقابلك ضروري

سند: بقولك إيه، تعرف تجيلي ٦ أكتوبر دلوقتي؟

نادر: أه طبعا، أجي فين بالضبط؟

Telegram:@alanbyawardmsr

سند: اطلع على طريق الواحات أنا رايح الثرب إلي هناك

نادر: أيوة عارفها

سند: خلاص هستناك هناك، أول ما توصل هتعرف تجيبني، أي حد هتسأله ها يدلك

نادر: ماشي ياعم مع السلامة

نطيت في أول ميكروباص قابلني رايح ٦ أكتوبر و نزلت ميدان جهيينة خدت عربية من هناك نزلتني قدام مقابر الواحات.

«السلام عليكم دار قوم مؤمنين أنتم السابقون ونحن بكم إن شاء الله لاحقون».

دخلت طبعا كانت الدنيا ضلمة قابلت في وشي واحد سألته الأقي عم سند الثربي فين؟

Telegram:@alanbyawardmsr

قالي: جوا في أوضة الاستراحة

نادر: إلي هي فين دي؟

قالي: في وشك أهي يا أستاذ

شكرته وروحت على طول على الأوضة، لقيت ثلاثة رجاله قاعدين قولتلهم عم سند موجود؟

واحد رد منهم قالي: اتفضل يا أستاذ نادر أنا سند.

سلمت عليهم و قعدت، جابولي كوباية شاي وخرج الإثنين وتبقى عم سند.

سند: اتفضل يا سيدي أسأل إلي أنت عاوزه كله، أنت متوصي عليك من الغالي

نادر: هو حضرتك ها تدفن حد دلوقتي؟

سند: في واحد ميت ومستنينه يجي من اسكندرية دلوقتي علشان
أهله اشترطوا يتدفن مع أبوه، وتقدر تقول إني قاعد معاك لحد ما
الأمانة توصل، تحب أحكي أنا ولا تسأل أنت؟

نادر: لا اتفضل احكي ياعم سند، وأنا لو عندي سؤال هسأله

سند: صل على إلهي هيشفع فيك

نادر: اللهم صل عليك يا نبي

سند: شغلانتنا دي يا بني مش هقولك من أصعب الشغلانات بس هقولك
من أغربها، من كتر ما الواحد شاف ما بقتش أستغرب أي حاجة، يعني
مثلاً لو أنت قولتلي دلوقتي إنك ميت وشبعان موت مش هكذبك، ولو
قابلتني بكرة وقولتلي إنك عمرك ما شوفتني قبل كده بردو مش
هكذبك.

كلنا أموات، وكلنا عايشين في ملكوت الله..

شوفت الإثنين إلهي كانوا قاعدين من شوية دول وقاموا؟ دول ثرية
زئي، عارف كانوا بيحكولي إيه قبل ما أنت تيجي؟

نادر: إيه؟

سند: إحنا قبل ما بندفن أي حد لازم نفتح الثرية ننصفها ونمهدھا
علشان تكون جاهزة للضيف الجديد، لما فتحوا الثرية الإثنين سمعوا
صوت بيقول: ابني فين؟!

واحد منهم إترعب والتاني رد بتلقائية: على وصول يا حاج

واستأذنوا الإثنين علشان يجهزوا المكان إلهي هيتدفن فيه، وبعد ما
خلصوا وهما خارجين نفس الصوت قالهم: ما تأخروش ابني عليا.

موضوع إن إحنا نسمع أصوات في المقابر ده عادي جدًا، في مرة كنت
بالليل بشقّر على الثرب وكان معايا فانوس شغال بالجاز وسمعت صوت

واحدة بست بتقول: اقبل باب الستر يا سند!

أنا جتتي اتلبشت، بصيت حواليا يمين و أدور على مصدر الصوت مش لاقى، سمعت خبطة شديدة جاية من مكان قريب، جريت ناحية صوت الخبط لقيت ثربة مفتوحة و طالع من جواها نور بيترعش، قربت بحذر شديد لقيت برة الثربة كفن متقطع ومرمي قربت أكثر ووطيت بصيت شوفت أكثر منظر مُرعب في حياتي، كانت واحدة بست لسه مدفونة وعريانة تمامًا وواحد قاعد جنبها و معاه قلم عقال يرسم على جسمها! المنظر خلع قلبي، زعقت بأعلى صوتي بتعمل إيه يا ملعون؟

Telegram:@alanbyawardmsr

الراجل طلع يجري وزقني وقعني وهرب، سمعت الصوت اكرر تاني «استرني يا سند»، جيت أشيل الكفن كان متقطع ومتهربد قومت قالع الجلابية ورميتها على الميتة، شديت باب الثربة و قفلته وطلعت أجري على الجامع إللي جنب الثرب وإللي اتصلى عليها فيه، حكيت للشيخ كل إللي حصل فاتصل ببناتها.

مفيش نص ساعة كانوا كلهم موجودين والشيخ قالهم أمكوا لازم تتغسل تاني، وبعث الشيخ جاب مغسلة أنا أعرفها كويس اسمها إحسان.

دخلنا الثربة وطلعنا الجثة أقسم لك بالله الجثة كان بتترعش وإحنا شايلىنها و كُنت سامعها صوت زي ما تكون بتعيط، و جرينا بيها على أوضة في الجامع و المغسلة خدت بناتها و قفلوا على نفسهم باب الأوضة وأنا والشيخ وقفنا برة، مفيش دقائق وسمعنا واحدة من بناتها بتصوت وصوت المغسلة عقالة تستغفر بصوت عالي، دقيقتين كمان وسمعنا المغسلة عقالة تقول:

أعوذ بالله، أعوذ بالله، حسبي الله ونعم الوكيل.

المغسلة واربت الباب وقالتلي أنا عاوزة مية كتير أوي إللي بيحصل جوا صعب أوي ياعم سند، قولتها في إيه يابت يا إحسان؟

قالتلي: شر كبير أوي ياعم سند شر كبير، املاي جرادل وهاتها و
شغل قرآن الجامع وعلي الصوت.

خدت مني المية وقفلت عليهم و قفلت عليهم الأوضة تاني، شوية
والبنت صوتت تاني و فتحت الباب و طلعت تجري في الشارع و أختها
من وراها، غصب عني من غير ما أقصد لمحت بطرف عيني الأرض في
الأوضة من جوا كانت كلها سودااا سودااا كأنها اتصبغت بلون أسود،
قلبي دق بسرعة وقولت لإحسان هتعملي إيه لوحدك في المصيبة دي؟

إحسان: وأي مصيبة ياعم سند، سيبني أخلص و لما أطلع لازم
تحكي لي أنت شوفت إيه.

دخلت إحسان الأوضة تاني وغابت فوق الساعتين، فتحت الباب
وطلبت منّا ندخل نشيل الميتة، دخلت أنا و شيخ الجامع الأوضة كانت
زي ما تكون كان فيها حريقة، الكراسي و الحيطان عليهم هباب أسود،
محدث علق و شلناها إحنا الثلاثة وطلعنا بيها على الثرب و من حُسن
الحظ إن الجامع جوا المقابر فمحدث شافنا و لا دري باللي بنعمله،
فتحت الثربة تاني ودخلناها ونيمناها على القبلة و لقيت القلم إالي كان
الملعون بيكتب بيه، رميته برة الثربة و وقفنا دعيناها وقفلنا الثربة و
روحت جبت من الاستراحة شوية أسمنت خلطتهم بمية و قفلت الباب
من برة على المسكينة أحسن الملعون ده يجيها تاني.

نادر: إحسان حكيتك شافت إيه جوا ياعم سند؟

سند: ما رضيتش يا بني أبدا، وما قالتش غير دي أسرار بيني و بين
الميتة بس أنا حابة أقولك ياعم سند إنها بتقولك «سترتني في رقدتي
ربنا يسترك».

نادر: وكملت عادي شغلك ياعم سند؟

سند: وكملت وهكمل لحد ما أترمي زيهم في رقدتي الأخيرة.

نادر: احكي لي كمان ياعم سند شكلك عندك كتير و أنا عاوز أسمع و

أسجل حكاياتك.

سند: طب صل على النبي

نادر: اللهم صل عليك يا سيدنا النبي

سند : كُنت قاعد في الاستراحة كُنا المغرب و جت جُثة واحد اسمه سالم، فقولت للإثنين إللي كانوا قاعدين هنا أنا حاسس إني ضغطي عالي، تقدرُوا تقوموا أنتوا بالمهمة دي وتسيبوني أرتاح؟ قالولي: تمام عادي مفيش مُشكلة.

- و خرجوا الإثنين وعدى يادوب زُبع ساعة ولقيت واحد منهم جاي يجري ووشه مخطوف وبيقولي: إلحق ياعم سند مصيبة، الميت مش راضي يدخل الثربة!

سند: إزاي يعني؟ روح ياد ادفن أنت وإللي معاك الميت وبطلوا عبط.

مساعد سند: والله ياعم سند الميت ما راضي يدخل الثربة، كل أما نيجي ندخل بيه الثربة يقوم خارج.

قومت يا أستاذ نادر و روحت معاه لقيت هرج و مرج شديد قدام باب الثربة والنعش على الأرض والكل مستنيني وبيصولي كأن الحل عندي. قولت ارفع النعش معايا ياد أنت وهو ومحدث غريب يشيل النعش غير رجالتني

نادر: ليه طلبت إن محدش غريب يشيل النعش غير رجالتك؟

سند: علشان ساعات بيكون في ناس مريضة بتفضل تحرك في النعش وثرقه وتشده ويطلعوا يقولوا النعش كان طائر بالميت، فأنا بقى قفلت الباب ده خالص.

نادر: وبعدين

سند: بثلت أنا والإثنين الرجالة إللي معايا وناديت واحد من الغفر

إلي موجودين شال معنا.

إلي حصل إن مش الميت إلي رافض يدخل، القبر هو إلي كان رافض إن الميت يدخله.

نادر: حسيت بياه؟

سند: سور يابني سور شفاف بقينا نخبط فيه بيرجعنا لورا و لما قاوحت وقولتلهم رُقوا يا رجالة شوفتك قدامي حاجة سودا طويلة من الأرض للسقف واقفة ما بتتحركش زي ما تكون هي إلي مانعة دخول الميت، ولما قاوحت أكثر سمعت صوت وبكاء ستات وأطفال و في وسط كل ده لقطت جملة: حرام عليك مشيه من هنا.

قولتلهم: بس خلاص كده.

نزلنا النعش على الأرض وزعقت في الناس إلي واقف لقولت: الراجل ده القبر رافض دخوله و محدش يعرف السبب غيركم أنتوا، أنتوا أهله و عارفين كويس مين مدفون في القبر وليه رافض إن الميت يتدفن جنبه، اللهم بلغت اللهم فاشهد.

واحد من وسط إلي واقفين قال بصوت عالي: أنا معايا مفاتيح ثربنا، ممكن ندفنه عندنا؟

قولته: ياريت

وفعلا دفناه بمنتهى السلاسة في الثربة الثانية و بعد ما دفناه وقفلنا الباب والشيخ قال: اسألوا لأخيكم التثبيت فإنه الآن يُسأل، رجعت قولت تاني: مش معنى إنه اتدفن في الثربة دي إن الموضوع اتحل، هقولهالكوا تاني شوفوا الراجل ده عمل إيه و حلوا الموضوع.

بدأت الناس تتسرب واحد ورا الثاني و يروحوا لحد ما تبقى واحد جه ووالي:

إلي أنت قولته صح، الراجل ده أخوه وولاده الإثنين ماتوا في حادثة

واتدفنوا في الثربة دي و بدل ما ياخذ باله من البنات اليتامى أكل
ورثهم و قاطعهم و سابهم مش لاقيين ياكلوا، فطبيعي إن أخوه وولاد
أخوه يرفضوا إنه يتدفن معاهم.

نادر: أعوذ بالله، هي الفلوس ممكن تخلي الإخوات تعمل في بعض
كده؟

سند: وأكثر يا بني، أنت أبوك عايش؟

نادر: لأ متوفي

سند: لو ليك يا بني إخوات بنات زودهم في ميراثهم شوية وأنت
راضي، دول غلابة وأنت مكان أبوك.

نادر: هعمل كده ياعم سند أوعدك هعمل كده

Telegram:@alanbyawardmsr

سند: تعرف إن أنا كنت بصحى في نص الليل على صوت واحد بيصرخ
ويقول سامحني يا أخويا، الله أعلم ده حلم ولا حقيقة بس زي ما
قولتك في الأول أنا أستغرب أي حاجة.

نادر: إالي بعده

سند: ده أنت قلبك قوي بقى، هحكيلك عن جنازة حصلت وكانت
مؤثرة جدًا، إحنا دفنا في مرة راجل قاعد.

نادر: قاعد! يعني إيه؟

سند: الحكاية في حد ذاتها مأسوية جدًا وبتحصل كثير، سابوا أبوهم
مات وشبع موت ومحدث حتى فكر يشقر عليه، الجيران شموا الريحه
وكسروا الباب و دخلوا لقوا الراجل ميت على الكرسي وجسمه بدأ
يتحلل، بلغوا ولاده الكل حاول يتكلم على الموضوع على قد ما يقدر
فكانت النتيجة إن الجثة جت متيبسة وحاطينها في كيس أشبه بكيس
الزباله ومحدث حضر الجنازة، ولما نزلت علشان أستلم الجثة كانت
صدمة عمري، الراجل ملفوف في الكيس و هو قاعد ومتغرق كمية

فورمالين مش طبيعية، واحد من إللي كانوا جاينين معاه قالي: أرجوك
إكرام الميت دفنه، المرحوم مالوش ذنب إن ولاده ما عندهم مش أصل
ونسوا إن ليهم أب وكنا إحنا جيرانه إللي مُتكفلين بيه، وحابب أقولك
حاجة محدش من ولاده جه معانا، كل إللي عملوه بعتولنا ظرف فيه
٣٠٠٠ جنية وكرتونة مصاحف نوزعها في العزا إللي بردو مش
هيحضروه.

سند: أحكيك على حاجة كمان يا بني ولا أكلمك حد يجي يحكيها لك
بنفسه؟

نادر: هو أنا هلاقي تُربي أحسن منك، احكي أنت

سند: ما هو أصله مش تُربي، إللي هطلبهوك ترزي الميتين

نادر: وهو الميتين كمان بقى ليهم ترزي ؟

سند: هو مش كلنا لما بنموت بيتفصلنا كفن يا بني؟ أنا هكلمك ترزي
الميتين يحكيك على حاجة كده سمعتها منه قبل كده.

وبالفعل نده عم سند على واحد من المُساعدين بتوعه و قاله: معاك يا
ولا نمره إبراهيم الترزي

المُساعد: أيوة يا عم الحاج

سند: اديها للأستاذ نادر علشان هيطلبه

المُساعد: اتفضل يا أستاذ نادر الرقم أهو.

طلبت الرقم واديت عم سند التليفون..

سند: ألو، إزيك ياد يا إبراهيم

- إزيك ياد وإزاي أمك وأبوك

- بس يا ضلالي

- محمول بتاعي إيه؟!

- هو أنا لاقى أكل، أنت فاكرني على قلبي فلوس زيك

- القصد، معايا ضيف خُد كلمه واحكيه على الحاجات إللي حكيتها لانا
الجمعة إللي قبل إللي فاتت لما كُنا سهرانين في الاستراحة إللي هنا في
الثرب

- وأنت مالك شغال إيه!

- أنت تعمل إللي أقولك عليه وأنت ساكت

- أيوة شاطر كده بدل ما أكلم أمك دلوقتي أخليها تطين عيشتك

- خُد أهو

نادر: أيوة يا أستاذ إبراهيم

- إزاي حضرتك

إبراهيم الترزي: الحمد لله في نعمة يا أستاذ

نادر: احكي لي إللي عم سند بيقول عليه ده يا اسطى إبراهيم

إبراهيم: الله يسامحه عم سند هو إللي سقاني ترزي الميتين، خليني
أحكلك عن حاجة هو لسه ما يعرفهاش..

- أول إمبراح دخلت الأوضة إللي فيها السندرة إللي فيها الأكفان إللي
شاريها.

- لقيتها لك مفتوحة والأكفان كلها واقعة في الأرض ما عدا كفن واحد
لقيته متعلق على الشماعة ورا الباب كأنه حد واقف.

نادر: و ده معناه إيه؟

إبراهيم: إن هو إللي عليه الدور أستعمله

نادر: واستعملته؟

إبراهيم: وحياتك بعدها بنص ساعة كان الخبر جالي

نادر: إيه كمان

إبراهيم: أكثر من عشرين مرة يجيلي في المنام ناس معرفهمش
ويقولولي: جهزلنا الكفن بتاعنا!

تاني يوم يجيلي خبر حد مات وأهله عاوزينه كفن، ولما بالصدفة
أشوف صورة الميت ألاقيه نفس إللي جالي في المنام لدرجة إنني
اتعودت خلاص، ولما الميت مايجيليش في المنام قبل موته بليلة أقلق
وأشك إنني عملت حاجة غلط حرمتني من الرؤية دي.

وفي مرة عيلة واحد ميت خدوا مني ستة أكفان مش مع بعض، كل
شوية يطلبوا كفن لحد ما كملوهم ستة، ولما سألت اتقالي: أنت مالك؟!
أنت ليك تاخذ الفلوس بتاعتك وأنت ساكت.

نادر: ومعرفتش السبب بردو؟

إبراهيم: لأ طبعا، عرفت وهي دي تفوتني

- بيقولك الميت كان جسمه عقال يرشح مية سودا من كل جسمه
ومحدث عارف السبب.

- الحكاية إللي هحكياها لك دي هي إللي خلت عم سند يطلبني ليك

نادر: إيه هي؟

إبراهيم: لقيت كفن مُستعمل في دولاب هدومي ولا أعرف جه إزاي
ولا أعرف كفن مين، بس كان كفن هلكان ودايب وفضلت من بعد
مالقيته يجيلي في المنام واحدة بست ناكشة شعرها وبتفتح الدولاب
بتاعي تاخذ الكفن القديم و تقزب مني وأنا نايم وتلفه على دماغي
ووشي وعاوزة تفضسني بيه، مابطلتش أشوف الكابوس ده غير لما

إديته لعم سند دفنه.

نادر: ومعرفتش إيه إللي حطه عندك؟

إبراهيم: عرفت

نادر: مين؟

إبراهيم: اسأل إللي جنبك

نادر: يعني إيه؟

إبراهيم: هو إللي غفلي وحطه في الدولاب عندي

نادر: مش فاهم هو كان بيعمل فيك مقلب ولا إيه؟

إبراهيم: بقولك اسأله هو يقولك، أنا هستأذن علشان ورايا شغل.

نادر: تمام يا إبراهيم مُتشكر جدًا مع ألف سلامة.

توجهت بنظري لعم سند وسألته.

نادر: هو إيه حكاية الكفن إللي أنت حطيته في دولاب إبراهيم

الترزي؟

سند: ده عيل مهبول، أنت هتصدقه؟

نادر: أه مصدقه، بس إللي مش فاهمه أنت ليه تعمل كده، أنت عايزه

يتلبس مثلاً؟

سند: ولا يتلبس ولا حاجة، هو الكفن هيطلع عفاريت؟!

نادر: كفن مين ياعم سند؟

سند: كفن البست إللي حكيتك عليها في الأول إللي لقيت الملعون

بيكتب على جسمها الطلاسم.

نادر: مش فاهم بردو عملت كده ليه؟

سند: الصراحة علشان اخلص

نادر: هو أنا ليه حاسس إن في حاجة أنت مخبئها عليا.

سند: الصراحة أه، أنا في حاجة شايلها على قلبي ومحتاج أحكيها
علشان أرتاح

نادر: اعتبرني ابنك ياعم سند واحكيلي

سند: بس يبقى سر بيني وبينك

نادر: ربنا يسهل

سند: إحنا بعد ما دفنا الست إياها، أنا شلت الكفن في كيس اسود
وحطيته في الاستراحة و نسيتته، بعدها بيومين كنت بشقر في الثرب
وراجع الاستراحة وأنا برة حسيت بحركة غريبة، اتسحبت ودخلت
لقيت واحد بيسرق الكيس إالي فيه الكفن المتقطع، هجمت عليه و
طبقت في زُمارة رقبتة لحد ما داخ ووقع في الأرض، ببص على وشه
لقيته الملعون إالي كان بيكتب على جسم الميتة، اتمكنت وقومت رازعه
بالقلم، فاق وكان مرعوب وطلع من جيبه ززم فلوس

و قالي: دول خمس آلاف جنية دول نصيبك وكنت جايبهملك.

سند: نصيبي في إيه يا حرامي يا دجال يا نصاب

الدجال: تمن حفاظك على الكفن القدة إالي فاتت، خذ الفلوس دي
نصيبك

سند: أنا مش فاهم حاجة

الدجال: خليك معايا وهتكسب آلافات زيها كل يوم، أقولك على حاجة
كمان؟ أنا هخففلك مراتك من السرطان

سند: أنت عرفت منين إن جملات عندها سرطان؟

الدجال: أنا بأطلع على كل حاجة، خليك معايا هتكسب

سند: هتخفف مراتي؟ ده بجد؟

الدجال: جربني

سند: طب إيه المطلوب مني؟

الدجال: أولاً، تاخد الفلوس دي تصرفها تتهني بيها أنت ومراتك وعيالك

ثانياً: تنفذ كل إيلي هطلبه منك بعد كده

ثالثاً: تاخد الكفن ده تحطه عند واحد تعرفه متجوز ولسه ماخلفش
علشان هعمل بدل للمرض بين مراته وبين مراتك

أول حد جه في دماغي كان إبراهيم التريزي، روح زورته وسهيته
ودفست الكفن وسط هدومه من غير ما أفكر إيلي أفكر إيلي بعمله ده
هيوديني فين.

صرفت الفلوس وجبت للعيال ومراتي حاجات وبعد يومين قابلت
إبراهيم التريزي صُدفة في الشارع كان وشه أسود من الحزن، قولتله:
مالك؟

قالي: مراتي جالها المرض الخبيث.

في اللحظة دي حسيت بسعادة لأنني أيقنت إن كده مراتي بتخف،
ليلتها وأنا في الاستراحة إيلي في الثرب لقيت الدجال بيفتح عليا
الباب وداخل وبيقولي:

الدجال: عندنا شغل الليلة

سند: إيه المطلوب؟

الدجال: ثراب من تحت ميت ودراع تكسره وتخلطه بالثراب ده

سند: دراع مين إليلي أكسره؟!

الدجال: دراع أي جثة

سند: تقصد هيكل عظمي يعني؟

الدجال: بقولك جثة لسه فيها شحم ولحم، تُسلخ الدراع و تطحن العضم و تخلطه بالثراب إليلي تحت الجثة و تحطهولي في العلبه دي

سند: أنا هفتحك ثربة وتعمل إليلي أنت عاوزه

الدجال: لأ يا حبيبي أنت هتعمل إليلي أنا عاوزه، وأنا هقعده هنا أشرب كوباية الشاي وأعدلك الخمس آلاف الجداد لحد ما تيجي.

بصراحة جُملة إن في خمس آلاف جنية تانيين بنجت ضميري للمرة الثانية، خدت مفاتيح الثرب وطلعت أدور على الضحية الجديدة.

كان في جثة راجل عجوز لسه مدفونة ما بقالهاش أسبوع، بكل بجاجة خبّطت على الباب ودخلت وبكل بجاجة قعدت قدام الجثة وقولتها: لا مؤاخذه ياعم الحاج الحي أبقى من الميت، أنت كده كده أكيد في الجنة ونعيمها و مش هيفرق معاك حته دراع ناقص، طلعت من جيبي سكينه جاييها معايا و كشفت الكفن، الريحه كانت لا تُحتمل، تعمدت ما أكشفش وشه، طلعت دراعه برة و بدأت أنشر بالسكينه من عند الكوع، إحساس التقطيع نفسه كان بينخور في جسمي وعظمي وحاسس بذبذبات التقطيع بتجتاح كل جوارحي.

فضلت أنشر بالسكينه لحد ما وصلت للعضم، بدأت أدق بيها زي الجزار ما بيدق على عضم الدبيحة علشان يكسره، كان باقي جزء صغير و السكينه تلمت و مش عاوزه تكسره، قومت ماسك الدراع و كاسره زي ما يكون بكسر ورك فرخة.

نادر: يا نهارك أسود، أنت جبت الجبروت ده منين؟

تجاهل سند كلامي وكفل...

فضلت أحرك العضة يمين وشمال تتقطم لحد ما فعلا
إتكسرت والذراع اتقطع وبقى في أيدي.

بتلفت لقيت الميت قاعد والكفن نازل من على وشه ومغطيه دود
كثير، عينيه مش موجودة و مكانها دود عقال يخرج من الفتحتين
وبوقه مفتوح على الآخر و طالع منه صوت حشرجة مُرعب، رفع ذراعه
التاني بيحاول ياخد مني ذراعه الأولاني، أنا من الصدمة اتشليت
مكاني وبكل بجاجة بردو استعازت بالله من الشيطان الرجيم.

طبق في رقبتني بذراعه إالي باقي وحاول يقف لكنه معرفش بسبب
تكتيفة الكفن لرجليه، فاتكعبل ووقع فوقي رقدني على الأرض و بقی
وشه في وشي والدود عقال ينزل من وشه و يدخل جوا عنيا و يخترق
وداني بسرعة رهيبة.

حاولت أزقه من فوقي لكنه كان ثقيل جدًا وشالل حركتي، الدود لما
دخل وداني كُنت بسمع صرخات كأنها جاية من جهنم و لما دخل في
عنيا شوفت مكان أسود الأرض بتاعته عبارة عن جمر مُلتهب أسود
اللون بيفور وحسيت بحرارة رهيبة بتاكل في جسمي كله، وسمعت
صوت مُخيف بيقولي:

- يا ويلك يا نابش القبور هنا مكانك

- اتقي الله قبل أن تُسحق هنا.

اتبدل المشهد ولقيتني نايم في أرض التربة والذراع المقطوع على
بطني والجثة متكفنة وراقدة زي ماهي.

خدت الذراع وطلعت من جيبي العلبة إالي الدجال إدهالي ومديت
أيدي تحت كفن قديم موجود وخذت رمل و تُراب مليت بيهم العلبة و
خرجت و قفلت التربة ورجعت الأوضة للدجال لكني مالقيتهوش!

بس لقيت على الكنبة الخمس آلاف جنية، أنت عارف يا أستاذ نادر

الخمس آلاف جنية في أيامنا دي يقدرُوا يعملُوا إيه؟

يعملُوا كثير، أنا مش بيرر لنفسي الجريمة إالي عملتها بس بقولك أنا وقتها كنت بفكر إزاي

نادر: كقل ياعم سند كقل

سند: لقيت الدراع في كيس أسود وخذته ورؤحت كانوا كلهم نايمين في البيت، خدت الدراع ودخلت الحمام وجبت معايا سكينه من المطبخ وبدأت أشفي الدراع، خلصت تقريبا نصه وباب الحمام خبط!

سند: مين؟

جملات مراتي: إلحقني يا سند أنا تعبانة أوي

سند: حاضر أنا طالعك حالاً.

بشلت الدراع بالبقايا بتاعته في الكيس ودلقت مية في الأرض ونصفت المكان بالمساحة بسرعة وجريت فتحت الباب لقيت مراتي مرمية في الأرض.

رميت الكيس من أيدي وشلتها دخلتها الأوضة، إالي أنا ملاحظه إن مراتي حالتها كانت بتسوء، فضلت جنبها لحد ما فاقت وأول ما فتحت عينيتها انفجرت في العياط و قالتلي: أنا هموت قريب يا سند

Telegram:@alanbyawardmsr

سند: ماتقوليش كده، أمال الفلوس إالي أنا بجيبها دي هعالج بيها مين؟

جملات: أنا هموت قريب يا سند، أنا شوفت حلم وحش أوي

سند: خير اللهم أجعله خير

جملات: شوفتك في ثرية بتاكل دراع واحد ميت وبعد ماكلت وخلصت حطيت في الكفن خمس آلاف جنية، وقفلت عليه الثربة وخرجت.

سند (مُرتبكا): إيه التخريف إلي بتقوليه ده، ده أكيد بسبب الدوا

جملات: أنت بتعمل إيه يا سند؟

سند: بعمل إيه في إيه؟

جملات: أنت فاهمني كويس، إيه إلي بتعمله خلاني أشوف الكابوس ده وخلي حال البيت غم على طول وخلي الورم يتمكن مني؟

سند: أنتي هتخفي، افتكري كلامي كويس

جملات: كله على الله، لما أموت بالله عليك ما تدخلش البيت قرش حرام

سند: نامي أنتي وارتاحي والصبح نكمل كلامنا.

أدركت في اللحظة دي إني سايب الشنطة إلي فيها الدراع على باب الحمام، خرجت أجري من أوضة النوم وروحت عند الحمام ما لقيتش الشنطة!

دخلت بصيت في أوض عيالي لقيتهم في سابع نومة كنت هتجنن، في اللحظة دي باب الشقة خبط، روحت فتحت لقيت أخر حد كنت أتوقعه، الدجال!

سند: أنت بتعمل إيه هنا؟ وعرفت عنواني مينين؟

الدجال: أسئلة ملهاش لازمة، فين الأمانة؟

سند: ضاعت

الدجال: نعم يا روح...!!!

سند: أقسم لك بالله الدراع ضاع

الدجال: قسم مايلزمنيش ولا أحب أسمعه

سند: تعالي أوديك الثربة وأوريك بنفسك إن الدراع مقطوع من

الجثة، بالأمانة علبة الثراب موجودة معايا.

الدجال: فين الأمانة يا سند؟

سند: بقولك ضاعت، ضاعت أنت ما بتفهمش؟

الدجال: لم لسانك و ادخل هات الأمانة بدل ما تندم عمرك كله، أنا عملت إللي عليا واديتك الفلوس

سند: و ليه ما يكونش أنت إللي سرقت الدراع، والله ما أستبعدها

الدجال (غاضبًا): قولتك متقولش القسم ده تاني

سند: أمال أحلفك بإيه؟

الدجال: احلف بشلطة و سطوة سيلبا

سند: وده يطلع إيه ده؟!

الدجال: مولانا إبليس العظيم

سند: مولاك أنت

الدجال (ضاحكًا): تكونش فاكر إن الفلوس إللي بديهاك بجيبها من حسابي في البنك؟

سند: يعني إيه؟ هو مش أنت بتعمل سحر و أعمال و تاخذ من الناس فلوس؟

الدجال (ضاحكًا بصوت عالي): فلوس مين يا جاهل و ناس مين يا غبي؟ إحنا كلنا موجودين لخدمة الكيان الأعظم إللي بيديره مهندس الكون سيلبا الأعظم

سند: أنا مش فاهم حاجة، أنت إيه؟

الدجال: أنا إللي هندمك عمرك كله على خيانتك

سند: روح في ستين داهية، أنت و سيلبا بتاعك، أنا من يوم ما شوفت

خلقتك ماشوفتش غير الهم والخزن وربنا بعثلي إشارة على لسان
الغلبانة مراتي، أعوذ بالله منك أنت وإلي زيك وربنا يسامحني على
المصايب إلي عملتها و أنا بجري ورا الفلوس.

الدجال (ضاحكاً): سقطت في الامتحان يا إنسان والعقاب في الحمام

سند: أنت مش ممكن تكون بني آدم

الدجال: وعرفتها لوحدك؟

بدأ وشه يتمط بالطول وفضل يطول وإيديه فضلت تطول لحد ما
وصلت للأرض وشعره بدأ يتساقط لحد ما اتحول لمسخ دميم، و مد
إيده وغرسها في بطني ورفعني عن الأرض وحدثني بكل عنف، اترميت
وخبطت في باب الحمام إلي كان مقفول فتفتح وشوفت مشهد رهيب
عمري ما بنسأه، شوفت مراتي قاعدة في أرض الحمام و حواليتها كمية
فلوس ملهاش حصر، وماسكة دراع الجثة إلي كان ضايع وبتأكله و
نازل من بوقها دود مالي الأرض، مجرد ما شافتني أصدرت أصوات زي
ما أكون قدام كلب سعران و بفكر أخذ منه العضة.

أنا فضلت مرمي في الأرض بنزف من بطني لحد ما هي خلصت أكل
الدراع كله، وبدأت تلم الدود إلي في الأرض وتأكله بنهم شديد.

وقامت وقفت وعدت من فوقي و غابت دقيقتين ورجعت معها إيد
الهنون إلي بتعمل بيه الكففة ونزلت دق في عضم الدراع، مع كل خبطة
كانت بتخبطها على العضم كنت بسمع صرخات رجل رهيبة جدًا.

طحنت الدراع كله لحد ما بقى بودرة و جت عندي طلعت علبة التراب
من جيب جلابيتي وخلطت التراب بالعضم المطحون وقامت وقفت و
فضت العلبة كلها على دماغها وجسمها.

أنا كنت خلاص بطلع في الروح وأخر حاجة شوفتها كانت جسم
مراتي وهو بيترعش بعنف وهي مرمية في الأرض وبترجع من بوقها

دود بكميات رهيبه.

أنا بعد كدة غبت عن الوعي تمامًا.

فوقت لقيتني في المستشفى و أختي جنبي بتعيط وبتقولي: البقية في حياتك يا سند ياخويا مراتك الغلبانة ماتت.

اتجننت وفضلت أصرخ وأزعق وأقول:

إزاي... إزاي... إزاي.....

دخل الدكتور في اللحظة دي وقال..

الطبيب: أنت اتكتبك عُمر جديد

سند: مراتي ماتت إزاي يا دكتور؟

الطبيب: تسريب غاز

سند: لأ ماكانش في غاز متسرب

الطبيب: ده تقرير الطب الشرعي يا عم سند وأنت ما موتش علشان

كُنت جنب الحمام مش جوا

سند: بس دي كليت دراع الجثة ورمت على نفسها مخلوط ثراب الثربة وعضم الميت وشوفت الدود بيطلع من كل حته في جسمها

أخت سند: إيه ياخويا إللي بتقوله ده بس؟

الطبيب: معلش سيبه، كل دي هلاوس بسبب كمية الغاز إللي استنشقتها، كلها يومين وتخرج وهتبقى أحسن إن شاء الله

سند: و مراتي؟

أخت سند: اتدفنت ياخويا

سند: و عيالي؟

أخت سند: عندي في البيت ياخويا.

نادر (مقاطعًا): يعني كل ده كان تهيئات؟

سند: وقتها مكنش عندي إجابة، لكن بعدها عرفت و اتأكدت لما كلمت إبراهيم التريزي وقولتله روح افتح دولابك و شوف في كفن قديم ولا لا؟

و فعلاً لقيه زي ما قالك في التليفون.

- كان باقي حاجة واحدة بس هي إلكي هتأكدلي كل حاجة

نادر: تنزل التربة تشوف دراع الجثة مقطوع ولا لا؟

سند: بالضبط

نادر: و لقيت إيه؟

قاطعنا صوت جاي من برة بيقول:

الجنابة جت ياعم سند يلا علشان ندفن الميت

سند: أستاذك يا أستاذ نادر، الشغل وجب

نادر: طب قولي قبل ما تمشي لقيت الجثة كاملة ولا من غير دراع؟

سند: أشوفك على خير يا أستاذ نادر

نادر: طب أستاذك بعد ما تدفن تيجي تقولي؟

سند: مع السلامة يا أستاذ نادر

نادر (بنبرة كلها يأس): ليه مش عاوز تقولي طيب؟

سند: علشان لو قولتلك باقي إلكي عندي الدجال مش هيسيبك

نادر: أنا مش عايز أعرف غير إجابة سؤال واحد بس وعقال أعيد هولك، جاوبني وهمشي ومش هتشوفني تاني أبداً.

سند: اللهم باعد بين هذا المتوفي وبين خطاياہ كما باعدت بين
المشرق والمغرب. كلنا أموات، افكر دائما الكلمتين دول
Telegram:@alanbyawardmsr
صوته بدأ ينخفض وهو بيدعي لأنه كان يباعد عن غرفة الإستراحة
(إستراحة الموتى).

مشي عم سند وسابلي سؤال مالوش إجابة.

مشي عم سند وزيه زي إللي فاتوا إداني دروس أولهم: إن طريق
الجشع نهايته الهلاك

وأخرهم: إن مش دائما النهايات لازم تكون مريحة ومش لازم أبدا
تكون سعيدة..

بعدت أصوات الناس، وفضلت أنا جوا الإستراحة لوحدي، حالة لا
مبالاة سيطرت عليا، حالة سكون رهيب سادت الأجواء حواليا، قلبي
إتقبض فجأة والخوف إحتل قلبي وعقلي، وجه في بالي حوار الدجال
مع عم سند وخصوصاً اسم silpa، افكرت!!، ده كان على بليزر نحاس
وأنا افكرته ماركة البليزر!، كان مكتوب على البرواز عند راضية وعند
دكتور بيتر، وعلى شنطة دكتور سامح!، وقاله عم حمدي، وكان مكتوب
على مدخل بيت عم إسماعيل!!!، خرجت زي المجنون من الإستراحة
وأنا بدعي وبقول يارب اللي في بالي يطلع غلط، ولما خرجت، لقيت
نفسي في وسط المقابر، سكون تام يخلع القلب من مكانه، أصوات كتير
في ودني وجوايا، أصوات كل الناس اللي قابلتهم!، صوت مروة بنت
خالتي وهي بتحذرنني من كساب، وصوت كساب نفسه وهو بيتوعدني
أنه مش هيسيبني!!!

Telegram:@alanbyawardmsr

حطيت إيدي على دماغي من الحيرة والذهول، فضلت أتلفت حوالين
نفسي، فجأة الإستراحة نفسها إختفت!!، ولقيت حاجتي مرمية على
الأرض!!، ده يأكد حاجة واحدة بس، هي إن كل إللي قابلتهم أموات،
حتى عم سند، كان كلامه صح، كلنا أموات!!، وإن الكل عايش في

ملكوت الله، بس.. بس إيه نتيجة كل ده!!، أنا هتجنن..

كنت في حالة يرثى لها، مزيج من الذهول والخوف والتخبط والجنون وعدم الفهم، رميت نفسي بثقل جسمي على الأرض جنب أدواتي، كنت حاسس إن رجليا مش شايلاني، لكني حاولت ألم حاجتي لأنني لازم أمشي، ما هو مش معقول هفضل قاعد في وسط المقابر.

وفجأة ؛ تليفوني رن، رقم غريب، معرفش إيه خلاني أرد، حاجة جوايا قالت لي لازم ترد، ولما رديت سمعت صوت ضحكة بسخرية أنا عارفها كويس، صوت ضحكة كساب!!!..

جسمي إتخشب، ماكنتش عارف أنطق ولا مصدق نفسي إن اللي بسمعه ده حقيقي، قطع حيرتي وهو بيقول:

كساب (بسخرية): إوعى تفكر إنني هسيبك، وعلشان بحبك جبتك هنا، المقابر عشان موتك ساعته جت، وكمان تُدفن على طول من غير بهدله، ده لأنني بحبك أوي يا نادر، أنا اللي عملت لك لعنة الأموات، وكل إلي إنت مریت بيه ده تحت سيطرتي أنا، أسهل حاجة بيحتاجها الواحد هي أرواح نجسة، عاشت طول حياتها تسعى لده، استعداد لأن نهايتك هتبدأ حالا.

- قفل في وشي السكة، وحسيت إن جسمي بيتنفض وبقى تلج، أصوات كتير مرعبة كسرت السكون، وخيالات بدأت تتحرك من حواليا، كنت شايفها على كل شواهد القبور إلي فجأة بدأت تفتح ويخرج منها خيالات أكثر!!، وبدأت كل الخيالات تتجمع جوا بعض، كأنهم بيكونوا أو بيشكلوا كيان واحد، كنت فاقد السيطرة على نفسي تمامًا، جسمي بيترعش ومش عارف حتى أبلع ريقني ولا أرمش من كتر الخوف، غمضت عنيا، وسبحان من الهمني وقدرت أعاند نفسي وخوفي وفضلت أردد آيات من القرآن، ومسكت شنطتي وحطيت إيدي على المصحف وفضلت مكمل في ترتيل الآيات، لحد ما فجأة سمعت صرخة مدوية تخلع القلب وتنشف الدم، فتحت عيني لقيت كيان عظيم وكبير قدام

عيني، ومرة واحدة تلاشى!!!، زي ما تلمح عربية ماشية بسرعة رهيبة، بلعت ريقى بصعوبة، وخذت أدواتي وجريت زي الهربانيين، ومعرفش إزاي رجعت البيت!!، أول ما دخلت، جريت على مذكرات نحاس، بدأت أفنط الورق بدقة أكثر، ولقيت ورقة متهالكة ومتطبقة، وكان مكتوب فيها:

نحاس: أنا فوقت لنفسي، وده خلى النهاية أقرب، وعشان كده هعترف، لازم أخلص ضميري، أنا وهما عملنا كل شئ غلط، أنا نقلت الأموات اللي مش هيتسأل عليهم لا راحوا فين ولا جم منين، وحمدي خباهم في تلاجته، ودكتور بيتر كان بيشرحهم ويخرج أعضائهم بمعاونة دكتور سامح، وإسماعيل المغسل كان بيقوم بمهمته على أكمل وجه عشان يحفظ السر، لأن الجثث دي بردو بتتغسل، أما سند فكان ليه الباقي، لو حد احتاج يعمل عمل ولا يدفن سحر، وكان الخير بيغم على الكل، أنا النهارده بخلص ضميري، يمكن كلامي ده يوصل للشخص اللي أنا وصيت راضية مراتي إنها تحكيه وتديله المذكرات، لعل وعسى ده يخفف عني، وأكون عملت حاجة واحدة بس صح في حياتي، ولعلمهم هما كمان يفوقوا، يمكن لو تابوا زي ما أنا توبت، يتكشف المستور، ويرد الأرواح المعذبة لسبيلها.

- كنت بقرا وأنا في قمة الذهول ومش مستوعب إلی بقراه، وبسأل نفسي إزاي ما شوفتش الورقة دي، ولقيت إجابة نابعة من قلبي: أكيد لأن ربنا رايد إن أفعال الشيطان دي كلها تتكشف، وزي ما قال كساب بردو، إن الأرواح بتاعتهم كانت نجسة، وهو قدر من خلالها يلاعبي عشان يجنني ويوصلني للموت، لكنه نسي أهم حاجة، إن مهما بلغ مكر ودهاء الإنسان، ومهما استعان بأقوى الشياطين، فربنا أقوى من أي شئ، وليه القدرة المطلقة في خلقه وتدابير الكون، وعشان كده ألهمني إني أقدر أكمل وأكشف كل الحقيقة، ونجاني من تدابير كساب وشياطينه، ويمكن ألهمهم كمان التوبة والإعتراف بالذنوب اللي عملوها، وعشان كده، حكولي كل حاجة بطريقة مش مباشرة، عشان أقدر أكمل

الطريق، ولما وصلت لسند، إداني مربط الفرس زي ما بيقلوا.

تليفوني رن بصوت رسالة، فتحتها وقريتها وأنا حاسس بإحساس
الظافر المُنتصر، لأن الرسالة كانت من كساب، ونص الرسالة:

(قدرت تفلت المرادي، لكن أوعدك إن لسه فيه جولات كثير جاية مش
هتقدر تفلت منها أبداً، أنت لسه ما شوفتش حاجة يا نادر، وبكرة
نشوف مين إللي هيضحك في الآخر)..

تذكر أنك حملت رواية نادر فودة الأعوان حصريا ومجانا من على موقع
مكتبة بيت الحصریات أكبر مكتبة للكتب والروایات الحصریة والممیزة
والجدیدة والنادرة ولتحميل المزيد ادخل على جوجل واكتب فى خانة
البحث مكتبة بيت الحصریات هنظهرلك .

من غير أي تأجيل، قعدت وأنا جوايا حماسة وشغف وكملت باقي
التحقيق وخلصته، وأنا كُلي أمل وإستعداد للجولة إللي جاية مع
كساب..

وإلى لقاء ليس بقريب

كان معكم نادر مصطفى عبدالرحيم فودة.

نقله لكم الإعلامي أحمد يونس.

Bonus from Ahmad youness...

عزيزي القارئ:

الجزء الجاي ده افصل نفسك تمامًا

عن العمل بالكامل وأنت بتقراه.

أو حتى قوم اعمل كوباية شاي

أو فنجان قهوه و اقراه....

الغد المخيف (الوريث)

المستقبل..

مبقاش في حاجة إسمها دول العالم..!

أيوه زي ما قرأتم كده..

مبقاش في حاجة إسمها دول العالم..

كل الحدود بين الدول إختفت..

كله بقى دولة واحدة كبيرة ولها مجلس رئاسي عالمي.. الهدف كان صنع السلام بين شعوب الأرض وخصوصًا بعد لما إكتشفنا إن معظم الحروب إللي كانت بتحصل كانت بسبب أطماع كل دولة في الدولة الثانية..

Telegram:@alanbyawardmsr

بداية الإندماج بين الدول كانت من سنين فانت لما هاجمت العالم أزمة اقتصادية رهيبة محصلتش قبل كده.. مات كتير من سكان الأرض وإتعذب الأغلبية ما بين جوع أو مرض أو فقر..

باع أغلب سكان العالم أملاكهم وإنخفضت بشدة قيمة العقارات والأراضي وزادت أسعار الاكل والشرب..

بدأنا نسمع عن دعوات ومطالب بثورة جياع.. كان في بركان من الغضب بين كل الشعوب والأفراد.. إضطرابات في كل مكان وفي كل حته.. حرايق في كل مكان إلتهمت الأراضي والحيوانات وشردت كتير من البشر.. فيروس خطير جديد يموت بسببه ملايين المواطنين وخسائر مادية تُقدر بمليارات الدولارات.

حروب وصراعات في معظم الدول وكوارث طبيعية في كل مكان.. بسرعة إتجمعت حكومات العالم علشان يبحثوا عن حل سريع لحل

الأزمة قبل ما تحصل ثورة الجياع لأنها لو إنطلقت فمفيش مخلوق على كوكب الارض يقدر يوقفها ووقتها دي هتكون نهاية العالم حرفياً..

Telegram:@alanbyawardmsr

إتجمعت حكومة الولايات المتحدة وحكومات الشرق الأوسط و أوروبا و آسيا وكل القارات لحل الأزمة وبعد مشاورات ونقاشات كثيرة تم الإتفاق على دمج كل دول العالم في كيان عملاق مشترك وبدأ السلام والأمان يرجع ثاني، بس خلال كل ده وفي وقت إنشغال البشر كان في خطر رهيب بيقترب منا من غير ما نشعر..!

ومن هنا تبتي قصتنا...

حدث في 2050

بعد لما ساد الإستقرار والسلام العالمي وبدانا نعيش في حالة إزدهار ورفاهية كبيرة فجأة تطبيق إنتشر جداً غطى على واتساب في العالم وكل حاجة مشابهه وبيدي فلوس ومكافآت وسفر وفسح بشكل رهيب.. كله ساب واتساب والمكالمات وإتجهوا له..

التطبيق كان اسمه ..(no sam)))))

مجرد ما بتشتريك فيه بيبعث ليك فلوس وهدايا مجانية.. وكل لما تبعت لحد إنه يشتريك كان بييجي ليك فلوس أكثر كمان.

في لحظة العالم كله مبقاش له سيرة غير سيرة التطبيق ده والفلوس إالي بتيجي من وراه.. الموضوع كان جميل ومغري ومحدثش كان بي فكر كثير.. الكل كان بيشتريك والكل كان بيحمله والفلوس كانت بتيجي للناس كل يوم في ميعاد معين.. كل يوم الساعة ستة وست دقائق وست ثواني كان بيتتم توزيع المكافآت على المشتركين..

لغاية لما في إتبعنت من التطبيق رسالة مفادها إنك هيجيلك رسالة صوتية ليلة رأس السنة، جفّع أسرتك و اسمعوها كلكم مع بعض وممكن تكسبوا مليون دولار..!

الدنيا بتتقلب طبعاً والإعلام بيتكلم عن الرسالة الغامضة دي والميلون دولار إلي ممكن الناس تكسبها بمجرد تنفيذ شروط بسيطة..؟!

محدثش كان مصدق بس الناس طلعت تقول إن التطبيق بيعمل كده علشان يزود إنتشاره و إن ده نوع من أنواع الدعاية والإعلان..

طبعاً كان في معارضين رافضين التطبيق وبدؤا يحذروا الناس منه ويقولوا إنه تطبيق مريب و بيوزع فلوس بشكل هستيري و أكيد وراه حاجة أو سر غامض..؟! [Telegram:@alanbyawardmsr](https://t.me/alanbyawardmsr)

وسط كل المؤيدين والمعارضين لي بيحصل كانت الأيام بتمر و ليلة رأس السنة أو الليلة الموعودة لوصول الرسالة بتقرب هي كمان والكل على أحر من الجمر وعاوز يعرف مين إلي هيكسب الفلوس دي وإيه مضمون الرسالة إلي هتتبعث..؟!

ليلة رأس السنة وتحديدأ الساعة ستة وست دقائق وست ثواني، ببيجي الفويس والكل بيجمع أفراد أسرته ويسمعوا سوا.. بس تاني يوم كلنا بنكشف الكارثة..!!!

تلت سكان العالم إختفوا..!

أيوه.. صحينا كلنا وإكتشفنا إن عدد تلت سكان العالم مبقاش لهم وجود.. إختفوا بلا أثر وبلا أي دليل هما إختفوا راحوا فين وحصل لهم إيه.. إختفوا بدون أثر وبشكل مرعب مستحيل كان حد يتوقعه.. هل هما عايشين ولا ميتين.. مفيش حد عارف.

رجع المعارضين يربطوا بين الرسالة والتطبيق والإختفاء.. الكل بيخاف وبينتشر الهلع بين الناس..

يا ترى الدور على مين..؟

بس بعد مرور ست أيام من الحادثة دي بتيجي رسالة تانية بمكافأة أكبر ١٠٠ مليون دولار..!!!

المفروض كانت الناس المرة دي تسمح التطبيق لكن الناس كانت زي المسحورة باللي بيحصل والطمع كان مخليهم مش شايفين الحقيقة أو شايفين الخطر وبدوا يجمعوا بعض ويتنظروا الرسالة الصوتية.. وبعدها وزى المرة الأولى بيختفي الملايين و أسر كاملة بتختفي بدون أثر..!

وسط كل إللي بيحصل من رعب وغموض بيظهر شاب بتاع تكنولوجيا اسمه (كريم) بيقدر يفك شفرة الفويس ويتتبع كل حاجة ويقدر يوصل لوثائق سرية ويمشي ورا الأحداث علشان نكتشف في الآخر إن فضائيين بالإتفاق مع الماسونية بيأسروا أكبر عدد من البشر بالفويس ده علشان الماسونية ماقدروش في الماضي يحققوا المليار الذهبي، فبيعملوا حاجة إسمها صفقة النهاية، وبينتجوا تطبيق no sam)))) إللي إسمه عكس حروف كلمة ماسون، وعن طريق الفويس ده وبشكل ما بيخطفوهم ويحطوهم في سجون كونية علشان يحققوا المليار الذهبي..!

(كريم) بيكتشف إن مشروع المليار الذهبي الماسونية قديم جداً وكانوا شغالين عليه من سنين طويلة، وهدفهم القضاء على كل البشر والإبقاء بس على مليار إنسان يتم إختيارهم، فأساس المشروع بيقول علشان نعيش حياة طبيعية لازم يكون عددنا مليار إنسان، الباقي ملهمش قيمة على الأرض، والمفروض يموتوا أو يتم قتلهم بلا رحمة..

(كريم) بيكتشف كمان إن الحروب إللي كانت بتحصل على مر القرون إللي فاتت كانت من أهم خطط المليار الذهبي، وخصوصاً إن كل ما بقى فيه حروب أكثر، كل ما مات بشر أكثر، كل ما قدر الماسونيين إنهم يحققوا أهدافهم.. مثلاً في الحرب العالمية الأولى الأرض خسرت 2 % من عدد سكان الأرض، وفي الحرب العالمية الثانية مات أكثر 20 مليون إنسان.. وبعد الحرب العالمية الثانية الأرض بقت مستقرة، وبقى تعداد سكان الدول يزيد، وهنا كان لازم يفكروا في خطة بديلة، والخطة دي تكون أقوى، ومن هنا بدأوا يخططوا لحروب الفيروسات

والأمراض إلي مالهاش علاج، وأخيراً لجأ الماسونين للإتفاق مع فضائيين عن طريق إنهم ينشروا التطبيق المريب ده، وبعدها بيأسروا أكبر عدد من البشر بالفويس ده، وأطلق على الصفقة دي إسم (صفقة النهاية)..!

(كريم) بعد رحلة طويلة ومخاطر عظيمة بيتعرض لها بيقدر يفك اللغز ده ويكشف المؤامرة، وبيتم إستعادة الأسرى إلي بيحكوا عن إنهم مجرد ما سمعوا الفويس فقدوا الوعي وصحيوا لقوا أنفسهم مساجين في سجون فضائية داخل منطقة إسمها (أرض العدم)..!

بعد القضاء على المخطط الماسوني بيتتم إستضافة كريم و تكريمة من كل حكومات العالم ومنحه أعلى القلادات و الاوسمة وبيصبح مثل أعلى لكل الشباب بس رغم كده كان إنسان متواضع وذكي لأقصى درجة ممكنة..! maktabbah.blogspot.com

في نهاية رسالتي المستقبلية خلوني أقول لكم إن أوقات في تاريخ الأمم والعالم بتحصل فترات مظلمة.. فترات الناس بتحس فيها باليأس وإنعدام الأمل.. فترات بيحسوا فيها بالخوف والرعب.. بس في وسط كل ده وفي وسط العتمة والضلمة والخوف دي بيظهر ناس بيقدروا ينوروا الطريق لكل البشرية وينقذوها في أحلك اللحظات.. ومن حسن حظنا إن ظهر في الوقت ده شاب أنقذ كل البشرية..

الشاب ده كان إسمه كريم..

كريم نادر فودة..

إبن الصحفي والمحقق العظيم

نادر فودة.